

Namminersorlutik Oqartussat

2020-mi kukkuniuinermit nalunaarut (Kukkuniuuisut oqaaseqaataat)

Imarisai

1.	Ukiumoortumik naatsorsuutit	1352
2.	Kukkunersiuinermik ingerlanneqartumik inerniliineq	1353
3.	Ukiumoortumik naatsorsuuti-nut kukkunersiuinermiit oqaaseqaatit	1357
4.	Kukkunersiuinerup ingerlanneqarnera	1364
5.	Aningaasaqarnermik kukkunersiuineq	1366
6.	Inatsisit atortinneqarnerannik kukkunersiuineq	1381
7.	Ingerlatsinermik kukkunersiuineq	1388
8.	Ingerlatsinermik kukkunersiuilluni misissuinerit angisuut	1395
9.	Pisortat ingerlatsiviutaannik nammineertitanik kukkunersiuineq	1397
10.	Suliffeqarfiit nammineertitat kukkunersiorneqarnerat	1398
11.	Ingerlatseqatigiiffinnik kukkunersiuineq	1399
12.	Paasissutissat allat	1400
13.	Uppernarsaaneq	1401
	Ilanngussaq 1 – Kukkunersiuinerup siunertaa, ingerlanne-qarnera, annertussusia kiisalu akisussaaffinnik agguataa-rineq	1402

1. Ukiumoortumik naatsorsuutit

Namminersorlutik Oqartussat 2020-mi ukiumoortumik naatsorsuutaat Naalackersuisunit saqqummi-unneqarput.

Deloitte, avataanit kukkunersiuisutut toqqakkatut ukiumoortumik naatsorsuutitut inatsisit, malittari-sassat ileqqussallu atuuttut naapertorlugit kukkunersiuinermik ingerlatsivoq.

Ukiumoortumik naatsorsuutit ilanngussanik (naatsorsuutit nassuiarneqarnerannik) imaqartut – uagut kukkunersiuukkatsinnik – kisitsisinik pingaarnernik imaattunik saqqummiussipput:

	<u>2020</u> <u>mio.kr.</u>	<u>2019</u> <u>mio.kr.</u>
Ingerlatsinermi angusat	192	-773
Ingerlatsineq - sanaartorneq & taarsigassarsiat (DAU-mi angusat)	-168	-137
Aningaasarsiuutugalugu taarsigassarsisitsisarnermi iluarsisani angusat (DA-angusat)	-135	-142
Pigisat	9.713	10.243
Oqimaaqatigiissitsisarnermi konto	-7.228	-7.532
- isumaqarput oqimaaqatigiissitsisarnermi sinneqartoorutit ajunngitsumillu angusaqarneq		

2. Kukkuersiuinermik ingerlanneqartumik inerniliineq

Kukkuersiuinitsinnut inaarutaasumik ukiumoortumik naatsorsuutit kukkuersiuisutut uppernarsaammik atsiorpagut.

Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imi akuersissutigineqartoq tunngavigalugu, Namminersorlutik Oqartussat naatsorsuutaasa kukkuersiorneqarnerat Pisortat Naatsorsuutaannik Kukkuersiuinermi ileqqorissaarneq pinngitsoorani atuuttussanngortinneqarpoq. Immikkoortut 4.-ni taassuma sukumiinerusumik nassuarneqarnera innersuussutigaarput.

Ukiumoortumik naatsorsuutit kukkuersiuisumit uppernarsarneqarnerat

Nunap Karsiata ukiumoortumik naatsorsuutaanik 1. januar – 31. december 2020-mut atuuttunik kukkuersiuinerput naammassivarput, taakkua imaraat angusat naatsorsorneqarnerat, oqimaaqatigiissitsineq, tigorianaanaat naatsorneqarnerat aamma ilanngussat, taakkununga ilanngullugit naatsorsuuserinermi periuseq ator-neqartoq, taakkua quppernemi 70-90 saqqummiunneqarput. Ukiumoortumik naatsorsoortit suliarineqassapput Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu.

Uagut paasinnittaaserput naapertorlugu ukiumoortumik naatsorsuutit sutigut tamatigut eqqortuupput, tamanna isumaqarpoq naatsorsuutit Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu suliarineqarsimasut.

Inerniliussamut tunngavissat

Uagut kukkuersiuinermik ingerlatsivugut kukkuersiuinermi nunani tamalaani najoqqutassat aamma nuna-tsinni kukkuersiuisoqarneq pillugu inatsimmi piumasaqaatit, taamatullu pisortat kukkuersiorneqarneranni najoqqutassat naapertorlugit, tassami kukkuersiuineq ingerlanneqarmat Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu. Najoqqutassat piumasaqaatillu taakku naapertorlugit uagut akisussaaffipput erseqqinnerusumik nassuiarneqarpoq kukkuersiuisup uppernarsaanera pillugu immikkoortumi "Ukiumoortumik naatsorsuutit kukkuersiorneqarnerannut Kukkuersiuisut akisussaaffiat". Namminersorlutik Oqartussanut tunngatillugu kiffaanngissuseqarpugut nunani tamalaani kukkuersiuisut ileqqorissaarnissamut najoqqutassa (IESBA-p ileqqorissaarnissamut malittarisassai) aamma piumasaqaatit allat Kalaallit Nunaanni atuuttut naapertorlugit, soorluttaaq malittarisassat piumasaqaatillu taakkua eqqarsaatigalugit ileqqorissaarnissamut pisussaaffivut allat naammassigivut. Uagut paasinnittaaserput naapertorlugu, kukkuersiuinermi uppernarsaatissatut anguneqartoq naammappoq aamma uagut inerniliussatsinnut tunngavissatut naleqqulluni.

Pissutsinik kukknersiunermit tunngasunik erseqqissaaneq

Aningaasaliiffigineqartut naatsorsuutaanni missingersuutit pillugit paasissutissat aningaasanut inatsimmi kontot aamma siunertat aallaavigalugit immikkoortiterneqarsimasut Naalakkersuisunit ilanngunneqarput. Assersuussinermi kisitsisit atorneqartut kukknersiunermit ilanngunneqanngillat.

Naalakkersuisut ukiumoortumik naatsorsuutitut akisussaaffiat

Naalakkersuisut akisussaaffigaat ukiumoortumik naatsorsuutitut eqqortumik takutitsisunik suliaqassallutik, imaappoq pingaernerusutigit kukkunernik amigaatinillu imaqqanngitsunik, Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik il.il. naapertorlugu. Taamatutaaq Naalakkersuisut nammineq nakkutillineq akisussaaffigaat, tamanna ukiumoortumik naatsorsuutitut pingaarutilitsigit kukkuneqqanngitsunik saqqummiussinissamut Naalakkersuisunit pisariaqartutut isigineqartoq, kukkuneq peqquserlunnermit imaluunniit kukkunivimmit pissuteqaraluarpat paasineqarsinnaaqqullugu, taamatullu naatsorsuuserinermit periutsimik naapertuuttumik toqqaaneq aamma atugaqarneq, soorluttaaq naatsorsuuserinermit missiliuussineq pissutsit atuuttut naapertorlugit Naalakkersuisunit naammaginatutut isigineqartunik atuutsitsineq.

Kukknersiuisup akissaaffia

Uagut anguniagaraarput isumannaallisaanermik qaffasissumik pilersitsissalluta, ukiumoortumik naatsorsuutit tamakkiisut kukkusumik paasissutissiinginnissaat pillugit, tamanna peqquserluttuliornermit kukknermilluunniit pisimagaluarpat, taamatutaaq kukknersiuisutut uppersaammik inerniliussamik imalimmik tunniussissaagut. Isumannaallisaaneq qaffassissoq tassaavoq isumannaallisaaneq pitsaalluinnartoq, taannali qularnaveeqqutaanngilaq kukknersiunermit nunani tamalaani periutsit aamma Kalaallit Nunaannut piomasagaatit immikkut atuuttut naapertorlugit, kukknersiunerup ingerlanneqartup tamatigit kukkunernik malunnaatilinnik qularsinissaanut, taamaattut piusimassappata. Kukknerit malunnaatillit pinngorsinnaapput peqquserluttoqarnera imaluunniit kukkusoqarnera tunngavigalugit, aamma malunnaatillit isigineqassapput naatsorsuutitineqarsinnaappat, ataasiakkaarlutik imaluunniit ataatsimoorlutik aningaasaqarneq pillugu aalajangiussanut sunniuteqartut, naatsorsuutitut atuisut ukiumoortumik naatsorsuutit tunngavigalugit aalajangiussinerminni tunngavigisaat.

Kukknersiunermit atatillugu, kukknersiunermit nunani tamalaani periutsit atorneqarput aamma Kalaallit Nunaannut piomasagaatit immikkut atuuttut naapertorlugit ingerlanneqartumi, uagut kukknersiunerup nalaani suliaasaqarfitsinnut tunngatillugu naliliinernik ingerlatsissaagut, aamma uagut suliaasaqarfitsinnik ingerlatsinitsinni qularneq atugarissavarput. Taakkununga ilanngullugit:

- Ukiumoortumik naatsorsuutit pingaarutilinnik kukkusunik paasissutissiisoqarsimaneranik paasiniaaneq aamma naliliineq ingerlatsissavagut, taakkua peqquserluttuliornermit imaluunniit kukkuluttornikkut pisimagaluarpataluunniit, aarlerinaatinut qisuariaatit kukknersiuisutut iliuusissamik periusississaagut ingerlatsillutalu, kiisalu kukknersiuisutut uppersaatinik pissarsilluta uagut inerniliussassatsinnut tunngavissatut naammattutut aamma naleqquttutullu isigisatsinnik. Peqquserlunnerit tunngavigalugit kukkunernik pingaarutilinnik paasisaqqanngitsoorsinnaanermut aarlerinaat kukkunernik pingaarutilinnik kukkunivinnik pissuteqartunit qaffasinneruvoq, peqquserluttuliornerit peqatigiinniapilunnikkut, peqquserlulluni allagaasiornikkut, piaaraluni ilanngussinngitsoornikkut imaluunniit nammineq nakkutillinermit atuutsitsinngitsoornikkut pisarmata.

- Nammineq nakkutilliinermik kukkunersiunermit pingaaruteqartumik paasinnissaagut uagut kukkunersiuisutut iliuuserisassagut ilusilerumallugit, taakkua pissutsinut naleqquttuussapput kisianni Namminersorlutik Oqartussat nammineq nakkutilliinerata pitsaassusianut naliliinertut paasineqassanngillat.
- Isummerfigissavarput, naatsorsuuserinermik periuseq aqutsisunit atorneqartoq naleqquttuunersoq, kiisalu naatsorsuuserinermi naliliinerit aamma paasissutissat taakkununga tunngasut aqutsisunit suliarineqarsimasut tulluurtuunersut.
- Inerniliissaagut, ingerlatsiinnarnissaq siunertaralugu naatsorsuuserinermi periuseq atorlugu Naalackersuisut ukiumoortumik naatsorsuutitut suliaat naleqquttuusut, taamatullu kukkunersiuisutut uppersaasissatut pissarsiarineqartoq tunngavigalugu, pisut imaluunniit pissutsit annertuumik qulalersitsisinaanersut, Namminersorlutik Oqartussat ingerlatsinerata nanginneqarsinnaaneranut. Inerniliigutta annertuumik qularnartoqartoq, uagut kukkunersiuisutut uppersaanitsinni tamanna malugeqqussavarput ukiumoortumik naatsorsuutini paasissutissiinikkut imaluunniit, paasissutissat taakkua naammaginangippata uagut inerniliussarput allanngortissavarput. Uagut inerniliussarput kukkunersiuisutut uppersaanermik tunngaveqarpoq, taanna uagut kukkunersiuisutut uppersaanitta ullua tikillugu atuuppoq. Taamaattoq, Namminersorlutik Oqartussat ingerlatsinerminik nangitsinnarsinnaassanngilaq siunissami pisut imaluunniit pissutsit nassataannik.

Naalackersuisut attaveqarfigisassavagut ilaatigut kukkunersiunerup pilersaarutigineqartup annertussusia aamma qaqugukkut pinissaa pillugit, kiisalu kukkunersiuisutut isiginiakkat pingaarutillit allat, tassunga ilanngullugit uagut kukkunersiuinitsinni nammineq nakkutilliinermi amigaataasinnaasut maluginiakkagut pillugit.

Paasissutissat allat ukiumoortumik naatsorsuutini kukkunersiuisullu uppersar-sagaanni ilaangitsut

Naalackersuisut paasissutissanut allanut akisussaasuupput. Paasissutissat allat tassaapput "2020-mi Nunap Karsiata naatsorsuutai" paasissutissatut ilanngunneqartut allat, ilanngussat katersat ilanngullugit, taakkua uagut kukkunersiuinitsinni taamatullu uppersaanitsinni ilanngunneqarneq ajorput, qulaani inerniliussamut immikkoortoq innersuussutigineqarpoq.

Ukiumoortumik naatsorsuutit pillugit uagut inerniliussarput paasissutissanut allanut tunngassuteqanngilaq, aamma uagut taakkua pillugit isumannaatsumik inerniliinermik saqqummiussisannilagut.

Ukiumoortumik naatsorsuutini kukkunersiuinitsinnut atasumik, uagut akisussaaffigaarput paasissutissat allat atuassallugit taakkunungalu eqqarsaatersuutigalugu, paasissutissat allat ukiumoortumik naatsorsuutinit imaluunniit uagut kukkunersiuinitsinnit ilisimalersimasatsinnit malunnaatilimmik ataqatigiinngissuteqarnersut paarlangalluinnartunilluunniit paasissutissiinersut allatulluunniit kukkunernik pingaarutilinnik imaqarsorinarnersut. Suliamik ingerlatsinerput tunngavigalugu inerniliissagutta paasissutissani allani malunnaatilinnik kukkusunik paasissutissiisoqartoq, pissutsit taakkua nalunaaruserisavagut.

Taamatutaaq uagut akisussaaffigaarput eqqarsaatersuutigissallugu, aqutsisut nalunaarutaat Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu, paasissutissatut piumasaqaatinik imaqarnersoq.

Tassunga atatillugu nalunaarutissaqanngilagut.

Inatsisiliorneq alla aaqiinerillu allat naapertorlugit uppernar-saaneq

Inatsisinik atuutsitsinermik kukkunersiuineq aamma ingerlatsinermik kukkunersiuineq pillugit oqaaseqaatit

Naalakkersuisut akisussaasuupput, naatsorsuutininik saqqummiussinermut atasumik iliuserisat aningaasaliissutinut, inatsisinut malittarisassanullu allanut taamatullu isumaqatigiissutinut atuuttunut nalinginnaasumillu ingerlatsinermut naapertuuttumik suliarineqarnerannut. Naalakkersuisut aamma akisussaasuupput, ukiumoortumik naatsorsuutini ilaasuni aningaasanik aqutsinermut aamma ingerlatsinermut tunngassuteqartuni sipaarsinnaassuseq, pilersitsisinnaassuseq aamma pitsaassuseq aallaavigineqarnissaannut. Tassunga tunngatillugu Naalakkersuisut aaqqissuussanik ingerlatseriaatsinillu pilersitsinissamut akisusaasuupput, sipaarsinnaassutsimut, pilersitsisinnaassutsimut pitsaassutsimullu tapertaasunik.

Uagut ukiumoortumik naatsorsuutininik kukkunersiuinitsinnut atatillugu akisusaaffigaarput, inatsisit atuutsinneqarnerannik kukkunersiuinermik aamma ingerlatsinermik kukkunersiuinermik sammisanik toqqakkanik ingerlatsissalluta, pisortat kukkunersiorneqartarnerannut malittarisassat naapertorlugit. Inatsisit atuutsinneqarnerannut kukkunersiuinitsinni sammisatut toqqakkani isumannaallisaanerup qaffasissusia misilerassavarput, aaqqissuussinerit misissorneqartut naatsorsuutininik saqqummiussinermi ilaasut aningaasaliissutit, inatsisit malittarisassallu allat naapertorlugit ingerlanerat kiisalu isumaqatigiissutitut atuuttut aamma nalinginnaasumik ingerlatseriaatsimut naapertuuttuunerat. Ingerlatsinermik kukkunersiuinitsinni annertuumik qularutissaqarata nalliissaagut, ingerlatsivinni ukiumoortumik naatsorsuutininik ilaasuni aaqqissuussat, ingerlatseriaatsit imaluunniit aalajangiinerit sipaarsinnaassutsimut, pilersitsisinnaassutsimut pitsaassutsimullu eqqarsaatersortussaanerumut naapertuunnerat.

Suliamik ingerlatsinerput tunngavigalugu inerniliissagutta, pingaarutilinnut isornaatilinnut oqaaseqaasiornissamut pissutissaqartoq, tamanna oqaaseqaamma matumani nalunaarutigissavarput.

Tassunga tunngasumik nalunaarummi matumani isornaatilinnik pingaarutilinnik oqaaseqaatissaqanngilagut.

3. Ukiumoortumik naatsorsuutitut kukkunersemiutit oqaaseqaatit

Qulaani taaneqareersutut Nunap Karsiaata 2020-mi naatsorsuutai nangaassutitaqanngitsumik uppernarsaaffigaavut aamma missingersuutit kukkunersemiorteqanngitsut erseqqissaatigalugit.

Tamanna isumaqarpoq, Nunap Karsianut naatsorsuutit ataatsimut katillutik eqqortumik takussutissii-sut Nunap Karsianik naatsorsuusiortarnermi periusissat naapertorlugit – aamma naatsorsuutit atuartussap naatsorsuutit naliliinissaanut pingaarutilittut isigineqartut aallaavigalugit killiussap aalajangersimasup iluani suliarineqarsimasut.

Uagut sulii isumaqarpugut, nakkutilliinermik ingerlatsinerit, taakkununga ilanngullugit uppernarsa-nerit – aamma nakkutilliinermik ingerlatsinerit malitseqartitsinerit, suliffeqarfittut Namminersorlutik Oqartussatut angissuseqartumut aamma katitigaasumut naatsorsuutigineqarsinnaasariaqaraluartut naapertorlugit, sulii ingerlatsisoqalinngitsaq.




Tassa immikkoortumi tulluuttumi takuneqarsinnaasutut, ukiut siuliituulli immikkoortuni arlaqartuni al-laffissornikkut sukaterisoqarsinnaavoq, aammattaaq suliaasaqarfiit ilaanni naatsorsuutit kukkunerit nassaarineqarput, ukiumoortumik naatsorsuutit naammassinninnermut atatillugu aqqinneqarsi-masunik.


Ukiut siuliini kukkunersemiutit oqaaseqaataannut saqqummiunneqartartunut ERP-mik aqqissuussa-mik nutaamik atulersitsineq iluarsissuteqassasoq suliffeqarfissuarmut pingaartinneqarsimavoq.

2020-mi siuariaateqartoqarsimanera takusinnaavarput, kisianni sulii iliuuseqartoqarnissaa pisariaqar-poq amigaatit siornatigut tikkuarneqarsimasut tamakkiisumik ikiorserneqarnissaannut.


Ilisarnaatit

Kukkunersemiutit itisilernerullugit saqqummiunneqartussatut peqqutissaqarsorisavut uani taku-neqarsinnaapput.

Ili-sarnaat	Nassuiaat
	Misissuineq oqaaseqaasiornissamut tunngavissiiingilaq. Immikkoortoq matuneqarsinnaavoq.
	Misissuineq naapertuutinngitsunik ataasiakkaanik nassaarfiugaluarluni oqaaseqaasiornissamut tunngavissiiingilaq. Immikkoortoq ilaatigut ammavoq.
	Misissuineq oqaaseqaasiornissamut pissutissiiivoq.

	Kukkunersiuinermut Ataatsimiititaliamut innersuussutigineqarpoq, aqutsisoqarfimmit taanna qanoq iliuuseqarfigineqassanersoq apeqqutigineqaqqullugu.
	Sanngeequtit/pissutsit malunnaatillit paasineqarput. Kukkunersiuinermut Ataatsimiititaliamut innersuussutigineqassaaq, aqutsiveqarfimmut isornartorsiuinermik saqqummiussisoqaqqullugu, pissutsit taamaattut uteqqeqqunagit, pinngitsoortitsiniaalluni malittarisassanik pilersitsisoqaqqullugu.

3.1. Ukiumoortumik kukkunersiuinermut oqaaseqaatit

Nr.	Revisionsbemærkning	Reference	Status	Vurdering
2020-01	Pisortat suliffeqarfiutaannik allanik pissaqaqatigiis-sutit	3.1.1 5.5	Ammavoq	

3.1.1. Pisortat suliffeqarfiutaannik allanik pissaqaqatigiissutit naligiissaarneqarnerat

Naatsorsuutit eqqortumik takutitsinissaannut pingaaruteqarpoq isertitat aningaasartuutillu piffissamut eqqortumut naatsorsuutininut ilanngutsinneqartarnerat. Tassannga qularnaarinninnermi pingaaruteqartoq tassaavoq pissat aamma akiitsut illuatungerisat nalunaarsugaannut naligiissaarneqartarnerat – ingerlaavartumik aamma ukiumik naammassinninnermut atasumik.

Namminersorlutik Oqartussat kommunillu, suliffeqarfiit nammineertitat aamma ingerlatsivinnik tamakkiisumik imminnut pigisut arlallit akorniminni pissaqaqatigiissuteqarput.

Taamaattumik Namminersorlutik Oqartussat aamma pingaarnertut atuuffeqarpoq, pisortat suliaasaqarfiutaasa aamma ingerlatsiviit tamakkiisumik imminnut pigisut akornanni ataqaqatigiissoqarneranik tassannga qularnaarinissamut.

Malugaarput tassunga tunngasumik suliaqartoqartoq, kisianni 2020-mi ukiup naammassineranut atasumik pissaqaqatigiissutit naligiissaarneqarnerannik sulii amigaateqartoq paasivarput.







Kontomut pilersaarut nutaaq pillugu anguniagaavoq, pisortat suliaasaqarfiat akimorlugu aningaasaqarnermik naatsorsuutininut tunngavissaq pitsaanerusoq pilersinneqassasoq.

Taamaattumik aalajangiisuullunnarpoq immikkoortortat akimorlugit isertitat aningaasartuutillu naatsorsuutininut ilanngunneqarneranni assigiissoqartarnera – aamma kontonut inissitsiterineq nalunaarsiornerillu aqutugalugit "suliffeqarfiup iluani" aningaasartuutit aamma isertitat naligiissaarneqarnissaannut tunngavissamik pilersitsineq, Namminersorlutik Oqartussat, kommunit, suliffeqarfiit nammineertitat aamma ingerlatsiviit Namminersorlutik Oqartussanit pigineqartut akimorlugit pissat akiitsullu naligiissaarneqarsinnaanerat.

Taamaattumik innersuussutigissavarput ingerlatseriaatsinik pilersitsisoqaqqullugu siunissaq eqqarsaatigalugu suliaasamik tassannga ingerlaavartumik suliarinninnermik qulakkeerinnissutaasussamik.

3.2. Siornatigut kukkunersiuinermi oqaaseqaatit malitseqartinneqarnerat

Siornatigut kukkunersiuinermi oqaaseqaataasimasunik malitseqartitsinermik ingerlatsivugut aamma uagut Kukkunersiuusutut oqaaseqaatitsinnut ulloq 3. juni 2020-meersumut Naalakkersuisut oqaaser-taliussat misissorlugit, soorluttaaq 2019-imi Nunap Karsiata naatsorsuutaasa Inatsisartunit akueri-neqarnissaanut Kukkunersiuinermut Ataatsimiititaliap isumaliutissiissutaa misissoripput.

Nr.	Kukkunersiuinermi oqaaseqaat	Pineqartoq	Killiffik	Naliliineq
2013-04	Namineq nakkutilliinermut atatillugu akissarsiat tamakkiisut allattorsimaffiik suliaqartarnerup pingaarutaanik erseqqissaanissaq	3.2.1 5.3.3	Ammavoq	
2013-07	Attartortitsinermut immikkoortut ukiup ingerlanerani ingerlaavartumik malitseqartinneqarnerat aamma naligiissaarneqarnerat	3.2.2 5.3.6. og 5.3.7.	Ammavoq	
2013-08	Pisiniartarfinnut akiisut naligiissaarneqarnerannik sulinerup pitsanngorsaqinneqarnerat pisariaqarpoq nioqqutissat aamma kiffartuussinerit pisiat nalunaarsorneqarnerisa eqqoqqissaarnissaat qulakkeerumallugu	3.2.3 5.3.9.1.	Ammavoq	
2016-02	Akissarsiat nalunaarsorneqareersut naligiissaarneqarnerat, kiisalu Sulinal aamma XAL-ip akornanni ataqatigiittoqarneranik naligiissaarineq	3.2.4 5.3.3	Matuvoq	
2016-04	Akiligassaqaarfinnut aamma aningaaserivinni inisitsikkat ammasut nikinganerannut aalajangiineq amigaataasq	3.2.5 5.3.10.1	Ammavoq	
2017-02	XAL-imi attartortitsinermut aaqqissuussami ernialersuineq, akiliutissanik akileeqqusissut il.il. amigaataasut.	3.2.6.	Ammavoq	

Immikkoortut nalunaarsukkamit peerneqartarput aaqqiiffigineqartutut nalilerneqarnermik kingorna ukioq qaangiikkaangat.

3.2.1. Namineq nakkutilliinermut atatillugu akissarsiat tamakkiisut allattorsimaffiik suliaqartarnerup pingaarutaanik erseqqissaaneq (2013-4)

2013-imi kukkunersiuinermik nalunaarusiami qupperneq 955-imi imatut allappugut:

" Tassungaa atatillugu immikkoortunut avataaniittunut pulaarnitsinni akissarsiat tamakkiisut allattorsimaffiannik nakkutilliineq pissusissamisut ingerlanersoq misissuiffigaarput. Tamaaliorneq nakkutilliineruvoq pingaarutilik, qulakkeerniarlugu akissarsianik kukkusunik tunniussisoqartannginnissaa.

Akissarsiat tamakkiisut allattorsimaffiannik misissuisarneq assigiinngisitaartumik peqqissaarun- neqartarpoq inassutigissavarpullu nakkutilliinerup pingaaruteqarnerata immikkoortunit ataasiak- kaanit malinneqarnissaata sukateriffigineqartariaqarnera.”

Ukiq manna kukkunersiuinitsinni paasivarput pissutsit ukiunut siuliinut naleqqiullugit annermik al- lannguuteqarfiusimangitsut, taamaattoq naalakkersuisoqarfinni anginerusuni akissarsiat tamakkii- sut allattorsimaffiinnik nakkutilliinermi pitsanngoriaateqarsimasoq paasinarpoq.

Taamaattumik pingaartumik immikkoortortani mikinerusuni akuerineqarnissaq amigaataavoq.

Ukiut siuliini kukkunersiuisutut oqaaseqaatigisartagarput attatiinnarparput.

3.2.2. Ukiup ingerlanerani taarsigassarsisitsinernik malinnaatit- silluni suliaqartarneq kiisalu naligiissaarineq (2013-7)

2013-imi kukkunersiuinermut nalunaarusiami qupperneq 959-imi imatut allappugut:

”Taarsigassarsisitsisarnermut tunngasunik naatsorsuisimaneq misissuiffigaarput taakkualu nalingi Namminersorlutik Oqartussat naatsorsuuserinermut tunngavissai malillugit suliaanersut misissorlu- tigit. Tamatuma saniatigut misiligummik tigussilluta taarsigassarsisitsinermi uppersaataasut misis- sorpagut.

Namminersorlutik Oqartussat Aningaasanut Inatsisimmi konto 89.72.12 oqaaseqaatit malillugu erni- aqanngitsunik ilanngaataasussaannngitsunillu taarsigassarsisitsisinnaavoq – pingaartumik – Illuut A/S-imut. Tamannali aatsaat aalajangersarneqavittarpoq akiitsoqarnermik uppersaata suliarineqa- raangat, tassani takuneqarsinnaasussaammatt taarsigassarsiat erniaqanngitsumik ilanngaataasus- saannngitsumillu tunniunneqassappata pumasaaqaatit naammassineqarsimanerat.

Namminersorlutik Oqartussat naatsorsuuserinermut tunngavissai malillugit taarsigassarsiat taamaattut 0 kr.-nik naliligaapput. Suliani pineqartuni malinnaatitsilluni sulineq, tassa taarsigassarsiat erniaqaratillu ilanngaataasussaannngitsuunersut imaluunniit akerlianik aalajangersaasoqarsimane- soq pillugu ukiup ingerlanerani naammaginartumik malinnaatitsineq suliarineqartarsimangilaq tamatumalu kingunerisaanik ukiumoortumik naatsorsuutinik suliaqarnermut atasumik taarsigassarsi- anik misissuisoqarnerata kingorna nalilersuilluni iluarsisuteqarnerit annertoourujussuit pisimallutik.

Inassutigissavarpup ukiup ingerlanerani iluarsisutit qanimut malinnaatitsilluni suliarineqartarnissaat taamaalilluni siunissami naatsorsuutinik suliaqarnermut atatillugu iluarsisutinik suliaqartarnissaq pinngitsoortinneqartaqqullugu.”

Ukiup ingerlanerani suliassaqarfittut immikkoortumi suliassat sukateriffigineqarput. Ukiumoortumik naatsorsuutinik naammassinermik suliap taamaattoq paasinarsisippaa, taarsigassarsianik suliat nakkutilliiffigineqarnerat suli pitsanngorsartariaqartoq.

Taamaattumik siornatigut kukkunersiuisutut oqaaseqaaterput attatiinnarparput.

3.2.3. Pisiortorfinnut akiitsut naligiissaarnerannik ataavartumik suliaqartarnerup nukittorsarneqarnerunissaa (2013-8)

2013-imi kukkunersiuinermut nalunaarusiami qupperneq 963-imi imatut allappugut:

” Ukiumoortumik naatsorsuutit suliarineqarnerannut atatillugu paasivarput suliassat ataasiakkaat suli ammasut, pisiortorfiup kontoani akiligassaq ulloq 31. december takuneqarsinnaasooq, akiligassarli taanna Namminersorlutik Oqartussat naatsorsuutaani naatsorsuuserinermi suli ilanngunneqarsi- manani.

Pasitsaanneqarsinnaavoq akiligassat eqqortumik piffissalersugaasimanninneri – tamanna pisutaalluni ukiumoortumik naatsorsuutini saqqummiunneqartussani akiligassat amigaataapput. Naliliinerpulli naapertorlugu tamanna ukiumoortumik naatsorsuutit tamakkiisut eqqortumik takutitsineranut sunniuteqartussaangilaq.

Inassutigissavarput akiligassaqarfigisanut naligiissaarinermik suliaqartoqassasoq – taamalu akilerallagaasinnaasut suli ammasut paasiniarneqarlutik – siunissamilu taakkuninnga iluarsaassineq sukanernerusumik ingerlanneqalissasoq.”

Avataani pisiniartarfiit akornanni akiligassat naligiissaarneqarnerat nakkutilliineruvoq pingaaruteqarluinnartoq, nioqqutissanik kiffartuussinernillu pisiniarnermi eqqortumik piffissalersuinermik qulakkerinnissutitut. Tamanna aamma pingaaruteqaqaaq missingersuutit ingerlaavartumik malitseqartineranni taamatullu ukiumoortumik naatsorsuutiniq eqqoqqissaartumik takutitsinissamut.

Ukiup ingerlanerani immikkoortumi suleriaaseq pitsanngorsaavigineqarpoq, ukiulli ingerlanerani kukkuneruunitta ukiullu naanerani sulianik ingerlatsinerup takutippaat, akiligassalinnik naligiissaarinermik kissaatigineqartumik suli ingerlatsinerunissaq pisariaqartoq kiisalu naligiissaarinermik ingerlatsinerni inissitsikkat ammasut suli amerlavallaartut, taamaattumik akiitsoqarfigisat illugiillutik pisasaqatigiinnerat pillugit naligiissaarinermik ingerlatsinerunissaq pisariaqarpoq.

Innersuussutigaarput akiitsoqarfigisanut naligiissaarinermik suliaqartoqassasoq – aamma akiitsut suli ammasinnaasut pillugit paasinaasoqarluni – tamassuma siunissami sukateriffigineqarnerunissaa kissaatiginarpoq, taamaaliornikkut qaammatit tamaasa pisiortorfiit pingarnerit qulit naligiissaarinermik ingerlatsiffigineqartarlutik, naligiissaarinerillu nakkutilliiffigineqarnerannik ingerlatsisoqartarluni.

Siusinnerusukkut kukkuneruunermi oqaaseqaaterput suli aalajangiusimavarput.

3.2.4. Akissarsiat naatsorsuutitut nalunaarsoriikkat naligiissaarneri, kiisalu Sulinal aamma XAL ataqatigiinnerannik naligiissaarineq (2016-02)

2016-imi kukkuneruunermi oqaaseqaataanni qupperneq 1115-imi ima allappugut:

”2016-imi ukiumoortumik naatsorsuutiniq suliaqarnermut atatillugu akissarsiat katinnerat naligiissaarneqarsimavoq akissarsianik aqqissuussivik atorlugu tunniunneqarsimasut aamma Sulinal aqqutigalugu Akileraartarnermut Aqutsisoqarfimmut nalunaarutigineqarsimasut akornanni – kiisalu akissarsiat aningaasaqarnermut aqutsissummi nalunaarsukkat taamaattumillu taakkua ukiumoortumik naatsorsuutitut ilaasut. Kisianni Sulinal aamma XAL-ip akornanniunngitsoq (aningaasaqarnermik naatsorsuuserineq).

Akissarsiat nalunaarsorneqareersut ingerlaavartumik naligiissaarneqartarnerat nakkutilliinertut pingaaruteqartutut isigineqarpoq, akissarsianik suliassaqarfimmi kukkuneruunermi paasisaqar-nissamut. Tassunga atatillugu ukiumoortumik ataasiarluni naligiissaarineq ingerlanneqartarpoq.

Uagut naliliivugut, nakkutilliineq pitsaasumik sunniuteqassappat, qaammatit tamaasa naligiissaarinermik ingerlatsisoqartassagaluartoq, taamaaliornikkut piffissami sivikinnerusumi nalorninartoqartassagaluarmat. Ilanngullugu naligiissaarineri ingerlanneqartuni suliassaq kingulleq amigaataavoq, taanna tassaalluni Sulinal aamma XAL-ip akornanni naligiissaarineq.

Naligiissaarineq taamaattoq pillugu arlaleriartarluta iluatsinngitsumik apeqqutillisaraluarpuq. Uagut innersuussutigaarput akissarsianik naligiissaarineq pingaarnersiorneqarluni akulikinnerusumillu ingerlanneqartassasoq.”

Maanna akissarsianik misissuineramik naligissaarinermillu nakkutilliineramik ingerlaavartumik suli-aqartoqartalerpoq.

Ulloq 31.12.2020 akissarsiat naligiissaarneqarnerat pissarsiaraarput, nikingassutininik pingaaruteqanngitsunik ersersitsivoq.

Taamaattumik immikkoortoq matusutut nalilerparput.

3.2.5. Akiligassaqarfiit- aamma aningaaserivimmiittuutit naligissaarneranni inissitsikkat ammasut aalajangiiffiqineqarneranni amigaatit (2016-04)

2016-imi kukkuneriusuisut oqaaseqaataanni qupperneq 1155 ima saqqummiussivugut:

”Qitiusumik allaffeqarfimmi aningaaserivimmiittuutininik aamma akiligassaqarfinnik naligiissaarineramik kukkuneriusuineramik ingerlatsinermut atatillugu paasivarput, inissitsikkat pisoqqat ammasut arlallit suli aalajangiiffiqineqarsimangitsut.

Uagut paasinnittaaserput naapertorlugu aallaaviuvoq, inissitsikkat taamaattut ingerlaavartumik qulaarneqartarnissaat immikkoortut ataasiakkaat namminneq akisussaaffigigaat, taamannalli pisoqartanngilaq, aamma qitiusumit taakkua aaqqiissuteqarfigeqqullugit iliuseqartoqartanngilaq.”

Ukiup ingerlanerani tamanna suliniarfigineqarsimavoq, kisianni suli inissitsikkani ammasuni aningaaserivimmi kontot naligiissaarneqarnerannik aamma/imaluunniit malitseqartinneqarnerannik assersuutissanik naammattuugassaqarpoq.

Taamaattumik immikkoortoq taanna suli ammasutut nalilerparput.

3.2.6. Ernialersuinerami aamma akilersuutininik akileeqqusissutininik ingerlatsinerami amigaataasut

Boligstøttemik taarsigassarsiat ilaat ukiuni 10-20 ernialersugaanngillat akilersuugassaanatillu. Taarsigassarsiat tamakkua ilaannut piffissaq ernialersuiffunngitsaq akilersugassanillu imaqaanngitsaq maanna qaangiukkiartulerpoq.

Taarsigassarsianut suliaqarfik XAL, taarsigassarsianik tamakkuninnga allaffissornermi ator-neqartoq, ernialersuinermit akilersuutininik akileeqqusissutininik suliaqarnissamut aaqqissu-ussaannngilaq.

Innersuussutigissavarput, ajornartorsiut taanna aaqqiiviginiarlugu aaqqiissutissamik naapertuut-tumik nassaarniarnermik suliniartoqaqqullugu, taarsigassarsiat erniaqaanngitsut- akilersugassaann-gitsullu piffissarititaasa qaangiutinnginneranni ima amerlatigileqqunagit assaannarmik allaffissor-nermik ingerlatsiffiqineqarnissaat naapertuugani.

Tamanna suli iluarsineqaanngilaq.

Taamaattumik immikkoortoq suli ammasutut isigaarput.

3.3. 2019-imi naatsorsuutitut tunngatillugu Kuk-kunersiuinermut Ataatsimiititaliap isumaliutissiissutaanik malitseqartitsineq

2019-imi Nunap Karsiata naatsorsuutai pillugit kukkunersiuusutut oqaaseqaatitsinnut Naalakkersuisut akissuteqaataat Kukkunersiuinermut Ataatsimiititaliamit pissarsiariniarneqarsimapput.

Akissutit pissarsiarineqarsimasut misissorpagut misissorlutigutaaq Kukkunersiuinermut Ataatsimiititaliap 2019-imi Nunap Karsiata naatsorsuutai pillugit isumaliutissiissutai.

Suliniutaasussat arlaqartut Naalakkersuisut akissuteqaataanni taaneqartut tamakkiisumik atuutisneqalersimanersut naliliiffiginissaannut sulii siusippallaarpoq taamatullu taakku kissaatigineqartutut kinguneqarsimanersut.

Immikkoortumi ukiut siuliini kukkunersiuinermi oqaaseqaatit malitseqartitsilluni suliarineqarsimane-rinut tunngasuni, immikkoortut arlaqartut siornatigut eqqaaneqartut sulii ammaannarput tamatumalu ilaatigut ersersippaa suliniutissamik aalajangiinermi tassuma sunniutissarpiaanun piffissaq pisari-aqartinneqartartoq.


2021-mi ukiumoortumik naatsorsuutitut suliaqarnissatsinnut atatillugu malinnaatitsilluta suliarissa-varput pissutsit uparuarneqarsimasut iliuuseqarfigineqarsimanagerat – tamatumalu qanoq kinguneqarsimanagerat.

4. Kukkuersiunerup ingerlanneqarnera

Kukkuersiuneq ingerlanneqarpoq Kommunit aamma Namminersorlutik Oqartussat missin-gersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik il.il. naapertorlugu.

Inatsit taanna atorlugu Namminersorlutik Oqartussat kukkuersiorneqarneranni pinngitsoorani Pisortat Naatsorsuutaannik Kukkuersiunerimi Ileqqorissaarnissaq malinneqassaaq, taanna uani erseqqissaatigineqarpoq; Standarderne for Offentlig Revision (SOR).

Taassuma saniatigut Kukkuersiunermit Ataatsimiititaliaq ingerlatsinerup kukkuersiuisunit misis-sorneqarnerannik aallartitsinnaavoq.



Ilanngussaq 1-imi kukkuersiunerup siunertaa, ingerlanneqarnera aamma annertussusia kiisalu Namminersorlutik Oqartussat aamma uagut akornatsinni akisussaffiup agguataarsimanera allaaserineqarput.

4.1. Aarlerinaataasinnaasunik ersersitsineq

Kukkuersiuneq pilersaarusiorneqartarpoq ingerlanneqarlunilu aqqqissuussaasumik naliliinerit nak-kutilliinerillu tunngavigalugit, taamaaliornikkut Namminersorlutik Oqartussani naatsorsuusiornermi-aamma nalunaarusiornermi aqqqissuussat kiisalu suleriaatsit kukkuluttorfiusinnaasutut aarlerinaati-taqarnerpaatut nalilikkat pingaarnertut misissorneqaqqullugit.

Aamma taamaattumik naliliisoqartarpoq, naatsorsuutininik saqqummiussinermut ilanngunneqartussanut tunngatillugu inatsisunik malittarisassanillu unioqqutitsiffiussinnaasut sumi annermik aarlerinaateqarnerannik naliliinerit, tassunga ilanngullugu aningaasaliissutissatut nalunaarutigineqarsimasut malinneqarsimanerat, Naalakkersuisut Inatsisartullu aalajangigaat allat, inatsisit maleruaqqusallu allat kiisalu isumaqatigiissutaasimasut periutsillu atorineqartut nalinginnaasut.

Aammattaq naliliiffigineqartarpoq naalakkersuinikkut aalajangiunneqarsimasunik ingerlatsinerimi aningaasaqarneq eqqarsaatigalugu isumannaatsumik ingerlanerisa nalorninartorsiorfigineqarsinnaanerit.

Kukkunersuineq pilersaarusiorneqartarpoq ingerlanneqarlunilu Namminersorlutik Oqartussat naalakkersuisoqarfiini, aqutsisoqarfiini suliffeqarfiutaanilu nalornissutaasinnaasunik peqqissaartumik naliliineq tunngavigalugu, namminersorlutik oqartussani naatsorsuusiormi- aamma nalunaarusiormi aqqissuussat kiisalu suleriaatsit kukkuluttorfiusinnaasutut aarlerinaatitaqarnerpaat pingaarnertut misissorneqarlutik.

Tamatuma kingunerisaanik kukkunersuinerup annertunersaa immikkoortunut qitiusunut pulaarluni ingerlanneqartarpoq, taakkuusarpullu Namminersorlutik Oqartussat immikkoortortaakimorlugit arlalitsigut sullissisuusut, tassunga ilanngullugit ASA (Naatsorsuutit) aamma ASA (Akissarsiat), Akiler-aartarnermut Aqutsisoqarfik Digitaliseriinemullu Aqutsisoqarfik.

Taakkua saniatigut naalakkersuisoqarfiit taakkualu ataanni aqutsisoqarfiit tulleriiaarinermit pilersaarut naapertorlugu pulaarneqartarput, soorlu immikkoortortaqarfiit Namminersorlutik Oqartussat ataaniittut ingerlatsinerimi naatsorsuutininik kukkunersuikkannik tunniussisussaataasut (suliamik ilinni- arfiit suliffeqarfiillu imminnut aquttut) aamma ukiut tamaasa pulaarneqartarput.

Immikkoortortat allat tulleriiaarineq malillugu pulaarneqartarput tamannalu aqqissuunneqartarpoq Namminersorlutik Oqartussat Kukkunersuisarfiat ataqatigiissaareqatigalugu.

Kukkunersuineq ingerlanneqarneq ajorpoq ilanngussanik nuussanillu tamanik misissuilluni, ingerlanneqartarlunilu misiligutinik tiguisarluni uppersaatinik misissuinikkut imaluunniit allatut iliorluni naatsorsuuserineq uppersarneqartarpoq ukiumoortumik naatsorsuutit eqqortumik suliaasimane- rat paasinarneqartarlutik. Tassunga atatillugu suliffeqarfimmi nakkutilliissutit ukiumoortumik naatsorsuutininik kukkunersuinermit atatillugu pisariaqarsorigaangatsigu misissuiffigisarpagut.

Taamatullu inatsisunik atuutitsinermit kukkunersuineq ingerlattarparput aamma aqutsinermit kukkunersuisarpagut tulleriiaarinissamut pilersaarut malillugu, taamaaliornikkut ukiut arlallit ingerlaneranni immikkoortut pingaarutillit kukkunersiorneqartarput, ukiut tamakkiangikkaluarlugit.

Inatsisunik atuutitsinermit kukkunersuinerimi, ingerlatsinerimi inatsisinut aamma malittarisassanut aamma atortussanut inatsisit malittarisassallu nalinginnaasut kukkunersiorneqartarput kukkunersuinerimi malitassat atuuttut naapertorlugit, kisianni ingerlatsinermit kukkunersuilluni misissuinerit angisuut ilaattut.

5. Aningaasaqarnermik kukkuner- nersiuneq

Aningaasaqarnermik kukkuner-nersiuneq tassaavoq Namminersorlutik Oqartussani ukiumoortumik naatsorsuutit sutigut tamatigut eqqortuunerannik misissuineq, ima paasillugu Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik il.il. naapertorlugu kukkunernik amigaatinillu nakkutilliineq.

Ukiumoortumik naatsorsuutit ukiup ingerlanerani aningaasanik nuussisarnermik aamma ulloq 31.12. aningaasaqarnikkut inissisimanermik eqqoqqissaartumik takutitsissapput, Namminersorlutik Oqartussani naatsorsuuserinermik periutsit naapertorlugit kisinneqarsimasunik, soorlu Namminersorlutik Oqartussat naatsorsuuseriveqarnerat pillugu inatsisit nalunaarutillu malillugit suliarineqarsimasumik kiisalu Namminersorlutik Oqartussani Naatsorsuuserinermik najoqqutassaq naapertorlugu suliarineqarsimasumik.

Tamanna ilaatigut pinngitsoorneqarsinnaanngilaq Namminersorlutik Oqartussat aningaasaqarnikkut suliarisimasaanik aamma inissisimaneranik naliliisinnaajumalluni – kisianni aamma aningaasaliisutit naatsorsorneranni uppernartumik tunngavissaqarumalluni (aningaasaliissutitut malittarisassat eqquutsinneqarnerat).

Kukkuner-nersiuneq ingerlanneqarpoq misiligutinik tiguisarluni aarlerinaatinik nalinginnaasunillu naliliisinnaajumalluni. Kukkuner-nersiuner-nersiunermi suliaasaqarfiit pingaartinneqarnerusut tassaapput kukkunernik aamma amigaatinik malunnaatilinnik aarlerinaateqarsinnaasutut nalilerneqarsimasut.

5.1. Nakkutilliinermik ingerlatsineq

Suliffeqarfimmi namminermi nakkutilliinermik ingerlatsineq pitsaasoq naatsorsuutitut tunngavissani piaaraluni piaarinaatsornikkulluunniit kukkunernut amigaatinullu illersuutissaavoq pitsaanerpaaq.

Ukiut siuliinisuulli kukkuner-nersiunitsinni namminersorlutik oqartussani nammineq nakkutilliineq ukkatarapput aamma nakkutilliinermik ingerlatsinerup ilusilerneqarsimanera atuutsinneqarneralu.

Ataani assiliartaliussami namminersorlutik oqartussani nakkutilliinermik ingerlatsinerup sanarfinera ersersinneqarpoq, suliaasaqarfiit qorsummik qalipaatiillit tassaapput ukiumoortumik naatsorsuutitut kukkuner-nersiunermi immikkut isiginiarneqarsimasut.



Kukkunersiunerimi naliliiffigineqartarpoq suliffeqarfiup nalunaarutiginninnissamut aqqissuussai, su-leriaatsit atugai aamma suliffeqarfimmi namminermi nakkutilliissutit illersorneqarsinnaasumik ingerlanerat. Taamaaliornermi anguniarneqarpoq naatsorsuutininik saqqummiussinermut tunngavissanik eqqortunik, uppernassusilinnik aamma naatsorsuutininut inissitsiterinerit piffissaq eqqorlugu nalunaarsorneqarnerannik ingerlatsisoqartarnerata nakkutilliiffigineqarnerat.

5.1.1. Nakkutilliinermik ingerlatseriaatsip nalilerneqarnera

Kukkunersiunerup ersersippaa, kukkunernut aamma amigaatinut aarlerinaataasinnaasunik naliliinermik aamma/imaluunniit suliap taassuma uppernarsarneqarneranik eqqarsaatigilluakkamik aqqissuussamillu killeqartorujussuarmik ingerlatsisoqarnera.

Namminersorlutik oqartussat nammineerluni nakkutilliinernik ingerlatsinera pitsanngorsarneqarsinnaavoq ajunaarutaasinnaasunik ilisimasaqarnerulluni aqqissuussaananerumillu taakkuninnga ujartuisarnikkut, soorlu piaaraluni piaarinaatsoornikkulluunniit kukkunernik - kiisalu ajunaarutaasinnaasut tamakkua naaperiarniarlugit nakkutilleeriaatsinik pisariaqartunik ilusilersuinikkut – aamma minnerunngitsumik taakkuninnga malitseqartitsinermik pitsanngorsaasoqarneratigut, ilumut nakkutilliinermik suliat taakkua ima annertutigisumik imartutigisumillu ilusilerneqarnermissut ingerlanneqartarnerat pillugit.

2019-imisut siunnersuutigineqassaaq siunissami Namminersorlutik Oqartussat aningaasaqarnerata nakkutilliinermik ingerlatsiffigineqarnera ukiumoortumik nalunaarusiarineqartaqqullugu, taanna kukkunersiuisut malitseqartitsinermik sulineranni atorneqartassaaq.

Nalunaarusiaq minnerpaamik qulaani nakkutilliinermik ingerlatsinermi immikkoortuunik taasanut tunngassuteqartassaaq.

Uagut naliliivugut nalunaarusiamik suliaqarnermik ingerlatseriaaseq eqqarsaatersuutininik iluaqqutaasinnaasunik arlalinnik nassataqassasoq, nakkutilliinermik suliaq aarlerinaataasinnaasunut kingumut pitsaanerumik aallaaveqarsinnaaleqqullugu.

5.2. IT-mik atuineq IT-millu nakutilliissutit nalinginnaasut

Namminersorlutik Oqartussani allaffissornermik ingerlatsinerit amerlaqisut digitalimik ingerlapput imaluunniit sakkussat digitaliusut ikiorsiullugit ingerlapput. Taamannak ineriartortoqarneratigut aarlerinaatit ilaat naapinniarneqartarput assaannarmik ingerlatsinerinik malitseqartunik – kisianni akuttungitsumik taakkua kingunerisaannik kukkunernik amigaatinillu katitigaanerusunik nutaanik pilersoqartarpoq.

IT-mik nakutilliissutit nalinginnaasut tassaapput suliffeqarfimmi it-mik ingerlatsineri pingaarni nakutilliissutit aqutsisunit pilersinneqarsimasut, it-mik atuinerimik nakkutigilluagaasumik aamma isummannaatumik, aamma taamaattumik suleriaatsit it-mik tunngaveqartut paasissutissanik passusserannut tapertaasunik nakutilliisinaajumalluni pilersinneqarsimasut.

Namminersorlutik Oqartussat kukkunersiorneqarneranut atasumik it-mik nakutilliissutit nalinginnaasut ukiumoortumik nalunaarummik eqqortumik malunnaatilimmik kukkusumik paasissutissinngitsumik aamma inatsisitigut piunasaqaatit naapertorlugit saqqummiussinissamat pingaaruteqartutut nalilikkavut, nakkutilliffigineqarput. Risk Advisorymit nakutilliissutit ingerlatsinerisa piginnaasaat misilerarlugu nakkutilliffigineqanngilaq.

Kukkunersiuinerup katinnerani tunngaviuvoq, ilaatigut suliffeqarfissuarmi namminerimik nakkutilliinerit tunngassuteqartut, tassunga ilanngullugit inuit namminneq nakkutilliinerat aamma nakkutilliinerit suliffeqarfimmi atuisunut aaqqissuussani nammineq isumagisumik ingerlasut. It-mik nakutilliissutinik nalinginnaasunik misissuinnerimik nakkutilliinerup- aamma isumannaatsuunerup pitsaassusiat nalilerneqarneq ajorput, taakkununga ilanngullugit allaffissornerimik ingerlatseriaatsit aamma atuisunut aaqqissuussani suliamik ingerlatsinissanut isersinnaanernut pisinnaatitaaffiit pisisissamisoorut. Aamma oqaatigineqassaaq, nakkutilliinerit pitsaassusiisa eqqortuunnerannik kukkunersuiusoqarneq ajormat.

Kukkunersiuinerimut atasumik ingerlatseqatigiiffiup it-mik atuineranut ilisimasavut nutarsarsimavagut, it-mik nakkutilliinerimik suliassaqaarfimmi nalinginnaasumik naliliisinaajumalluta aamma ukiumoortumik naatsorsuutit kukkunernik pingaarutilinnik imaqarsinnaanernut aarlerinaatit nalilersinnaajumallugit. Taamaattumik it-mik nakkutilliissutit toqqakkat ilusinersorneqarnerat atuutsinneqarnerallu nakkutilliffigaavut.

Systemit aaqqissuussat pingaarnit makkuupput:

- PRISME (finansbogføring/aningaasaqarnermik naatsorsuuserineq)
- IRIS (fakturahåndtering/akiligassanik passussineq)
- MR-løn (lønadministration/akissarsianik allaffissorneq)
- E-skat (skatteadministration/akileraarutinik allaffissorneq)
- XAL (finansbogføring/aningaasaqarnermik naatsorsuuserineq)

It-mik nakutilliissutinik nalinginnaasunik kukkunersiuinerput tunuliaqutaralugu - Namminersorlutik Oqartussat ukiumoortumik nalunaarutaanik kukkunersiuinerimut tapertaasussatut pingaaruteqartutut nalilikkatsinni, suliassaqaarfinni malunnaatilimmik pitsanngorsaatisat makkuua naamattoorpavut:

- Innersuussutigaarput, Namminersorlutik Oqartussani it-mik atuinermi aarlerinaataasinnaasunik misissuineramik tamakkiisumik aqutsisuniillu akuerisaasumik ingerlatsisoqaqqullugu, aqutsisunit Naalakkersuisunut isumannaallisaanertut kissaatigineqartoq tunngavigalugu
- Innersuussutigaarput, atuisunut allaffissornermik ingerlatsinermi malittarisassanik pi-umasaqaatalinnik Naalakkersuisut suliaqaqqullugit, aaqqissuusanut aamma it-mik ingerlatsif-finnut tamanut atuuttumik. Malittarisassat imannak imaqartariaqarput:
 - Atuisunik pilersitsineq aamma pisinnaatitaaffinnik tunniussineq.
 - Piffissakkuutaartumik isissutinik aamma pisinnaatitsissutinik naliliineq (minnerpaamik ukiumoortumik), ilanngullugit suliamik immikkoortitsisinnaanermik toqqissisimanartumik pilersitsisoqarnerata eqqarsaatigineqarnera.
 - Atuisut suliffimmi soraarneranni atorunnaarsinneqarnerat.

Taassuma ilassutaatut innersuussutigaarput Namminersorlutik Oqartussani suliassaqaqfinni tamani periutsimik atuinerup kisartorneqarnissaanut Naalakkersuisut qularnaarinnissasut, taassuma qaqugukkulluunniit malinneqarnissaanik qulakkeerinninnissaq siunertaralugu aamma atuisunik pilersitsinerit, atuisunik atorunnaarsitsinerit piffissakkuutaartumillu pisinnaatitsissutinik nalileeqqittarnerit aamma suliamik immikkoortitsisinnaaneri pisortatigoortumik uppernarsarneqartarnerat.

- Innersuussutigaarput, MRLøn-imi atuisut ataatsimoortut pilersinneqarsimasut atorunnaartin-neqassasut paarlattuannik inunnut ataasiakkaanut atuisutut innersuunneqarsinnaasut pilersin-neqaqqullugit.
- Innersuussutigaarput ineriartortitsinermik suliaqartut toqqaannartumik aamma tamakkiisumik pilersitsinermik suliassaqaqfimmu, MRLøn pisinnaatitsissuteqaqnginnissaat. Tamanna pivi-usunngortinneqarsinnaangippat innersuussutigaarput ineriartortitsinermik suliaqartut pilersui-nermik suliassaqaqfinni iliuserisaasa nakkutilliiffigineqarnerannik pilersitsisoqaqqullugu (ass. pilersuinermik suliassaqaqfinnut isernerit nakkutigineqarnerat, aamma isernerit piffissakkuutaar-tumik, malittarineqarlutik pisortatigoortumillu nakkutigineqarnerannik pilersitsisoqaqqullugu).

Innersuussutigaarput Namminersorlutik Oqartussat MRLøn, IRIS, XAL aamma PRISME-mut tunngasumik misissuinermik ingerlatseqqullugit, aaqqissuussap inissitsiterneqarnera applikationini aamma applikationit akimorlugit atuuffimmik immikkoortitsisinnaanerannut toqqissisimanartumik pilersitsisoqarsinnaanerannik piareersaasoqarsinnaaqqullugu. Misissuineq taanna uteqqinneqartariaqarpoq applikationini allannguutininik saqqummiussisoqartillugu inissitsikkat atuuffiisa/piginnaasaasa allanngornerannik nassataqartillugit.

Aammattaaq innersuussutigaarput qulaani misissuineq taasarpit aallaavigalugu atuuffiit/pisin-naatitsissutit suut imminnut akuleriinersut nalunaarsorneqaqqullugit, taakkua sulianik immik-koortitsisinnaanginnerat pillugit suleqatigiinnerminni atuuffiisa imminnut assortuunnerannik nassa-tallit, aamma taamaattumik pisinnaatitsissummik tunineqartariaqanngitsut, tassunga immikkut aku-ersissummik tunniussisoqanngippat aamma tapertatut nakkutilliinernik pilersitsinissaq ilitsersuus-sutigineqassaaq (ass isissutit aamma taakkua misissorneqarnerat).

Paasivarput MRLøn-imik, IRIS, XAL aamma PRISME-mik atuisut aamma atuisut isersinnaassusiat aaqqissuusaasumik piffissakkuutaartumik nalilersorneqaqqinnerannik ingerlatsisoqartanngitsaq. Paasissutissiisoqarpoq, atuisut piffissakkuutaartumik nakkutilliiffigineqartartut. Taamaattoq piffissak-kuutaartumik pisinnaatitsissutinik tunniussimasanik nakkutillissoqartanngilaq.

Innersuussutigaarput, aaqqissuussanut aamma suliaqarfinnut pinnaatitsissutit tunniussat nalileqqinnerannik uppersakkamik ingerlatsisoqartaqqullugu, pinnaatitsissutit tunniussimasanik piffissakkuutaartumik naliliinerit amigaataanerit imaluunniit nalileqqinnerannik naammangitsunik ingerlatsinerit aarlerinaatitaqarmata, atuisut pinnaatitsissutaasa naleqqukkunnaarsimasinnaanerannik aamma suliamik ingerlatsinermit pisariaqartitaannut tulluarunnaarsimasinnaanerannik.

Ilanngullugu paasivarput, MRLøn-imi sulisut namminerisamik isissutaat pillugit malittarisassat atuut-sinneqartut inuit namminneq isissutaat pillugit politikkimut atuuttumut naapertuutinningsut. Innersu-ussutigaarput pissutsit taakkua naleqqussarneqaaqqullugit isissutit pillugit malittarisassat atuut-sinneqartut inuit namminneq isissutaat pillugit politikkimut atuuttumut naapertuuttunngoqqullugit.

MRLøn pillugu paasivarput, uagut misissugassanik tiguisarluta nakkutilliinitsivut periarfissaqanngit-soq uppersassallugu, atuutinneqalernera sioqqullugu allanngineq naammattumik misilerarneqarsimanersoq akuerineqarlunilu. Allannginerit misilerarneqarnissaannut atasumik misiler-aanissatut pilersaarutit- aamma ingerlatsinerit amigartumik imaluunniit naammangitsumik ator-neqarnerat aamma akuerineqarnerat aarlerinaatitaqarput, misileraanerit ingerlanneqartut pitsaassu-siannut aamma amerlassusiannut, aamma taakkunannga angusat naatsorsusuutigisanut naaper-tuutinningsillugit, taamaattumillu atulersitsinermit aaqqiissutissanik kukkuneqarsinnaasarlutik. In-nersuussutigaarput atulersitsinermit atasumik allannginerit tamarmik misilerarneqarnerannik aamma taakkua pitsaassusiisa uppersarneqarnerannik nassataqartaqqullugit, taamatullu al-lanngortitsinerit uppersaatit tamakkiisumik pisaqqullugit.

Suliassaqarfimmut tassunga tunngatillugu aamma siunnersuutigineqassaaq, piumasaqaatinik eqqussisoqartariaqartoq, allaffissornermik ingerlatseriaatinut IT-mik tapertaqarnermut tunngatillu, isumannaallisaanerup nukittorsarneqarnerannik suliap nalunaarusiorneqarnerannik suli-aqartoqartassasoq avataanit kukkunerisuisunit ator-neqarsinnaasumik.

Nalunaarusiamik taamaattumik suliaqarnermut atatillugu ingerlatsineq eqqarsaatersuutit ineri-saataasunillu pitsaasunik nassataqarsinnaavoq.

5.2.1. Peqquserlunnerit pillugit aqutsisunik oqaloqateqartarnerit

Peqquserlunnerit pineqartut tassaapput Namminersorlutik Oqartussat pigisaannik piginnaatitaagani peersineq aamma/imaluunniit atuineq, soorlu isertitanik aamma aningaasartuutit piffissalersu-nermit isumaliutigisamik uukapaatitsineq (Namminersorlutik Oqartussat naatsorsuuserinermik ileqqussarititaanit isertitat aamma aningaasartuutit naatsorsuusiorneqarneranni kukkusumik piffissa-lersuineq).

Kukkunerisuiinermik pilersarusiornermut atatillugu Aningaasaqarnermut Sulisoqarnermullu Aqutsi-soqarfimmi aqutsisunut peqquserluttoqarsinnaanerannut aarlerinaatinut tunngasut apeqqutigaaqut – aamma taakkua ukiup ingerlanerani imaluunniit naatsorsuutit saqqummiussinermit atatillugu peqquserlunnernik ilisimasaat pillugit.

Aqutsisut ilisimatippaatigut naliliinertik naapertorlugu peqquserlussinnaanermit pissuteqartunik nalorninartuusinnaasunik immikkut maluginiagaqarsimanatik aamma Namminersorlutik Oqartussat nakkutilliinerat ingerlalluortoq, taamalu ukiumoortumik naatsorsuutit pingaarutilitsigut kukkusumik paasissutissiinnaaneq misissorneqarsimasoq, tassunga ilanngullugit kukkusumik paasissutissiine-rit peqquserlunnermit pissuteqartut.

Aqutsisut aammattaaq ilisimatitsissutigaat peqquserlussimanermik imaluunniit pingaarutilitsigut peqquserluttoqarsimanerannik pasitsaassinermit pissuteqartumik misissuinerit ingerlatsisoqanngit-soq.

Taaneqareersutut isumaliutigineqartariaqarpoq aaqqissuussaannerusumik aarlerinaataasinnaasunik aqutsinermik pilersitsisoqartariaqarnera, aarlerinaataasinnaasut aaqqissuussamik peqqissaartumillu misissuiffigineqarsinnaanngoqqullugit malitseqartinneqarnerannillu ingerlatsisoqarsinnaaqqullugu.

Taamaaliornikkut uppernarsaatinik pitsaanerusunik pissarsisoqarsinnaavoq, aqutsisut naliliinerannut ikorfartuutaasinnaasunik.

Oqaatigissavarput kukkunersiunitsinni ukiumoortumik nalunaarummi kukkunernik peqquserlussimamermik pissuteqartunik paasisaqarsimannginnatta.

5.3. Ukiumoortumik naatsorsuutit

5.3.1. Ukiumoortumik naatsorsuutit – naatsorsuuserineq ator-neqartoq

Namminersorlutik Oqartussat ukiumoortumik naatsorsuutaat saqqummiunneqartarput aningaasartuutit tunngavigalugit naatsorsuuserinermi periutsit nalinginnaasut atorlugit.

Isumaqarpoq, isertitat aamma aningaasartuutit aallaaviatigut ukiumut naatsorsuuseriffiusumut isertitatut pissarsiarineqartut imaluunniit akiligassatut tunniunneqartut naatsorsorneqarnerat (pissarsiasaqartitaanermut tunngavissaq).

Tunngavissarli pingaarneq immikkoortuni ataasiakkaani, soorlu akileraarutinit isertitani akitsuutinilu ator-neqarneq ajorpoq (akileraarutissatut nalunaarutigineqartartut akileraarutinit tunngasut suliarineqarnerisa inerneranni iluarsiiisuteqarfiusarput) kiisalu piumasaqaatit angisuut naatsorsuiffiup nalaaani inaarlugit kisinneqarsinnaanngitsillugit (illuartitat).

Suliffeqarfiit nammineertitat eqqarsaatigalugit (suliamik ilinniarfiit), Aningaasanut inatsimmi kontop naatsorsuutaani sammisat tunngavigalugit tapiissutinik (aningaasartuut) tunineqartarput aamma aningaasanut inatsimmi kontoni allani isertitatut naatsorsuusiorfiusarlugit. Aningaasartuutit aamma isertitat Ingerlatsinermi aningaasaliissutitut tunniunneqartarput. Taakkua nungutsinneqarneq ajorput, taamaattumik Namminersorlutik Oqartussat naatsorsuutaani tamakkiisuni, aningaasartuutit aamma isertitat piviusunit amerlanerusutut saqqummersinneqartarput.

Aningaasanut inatsimmi kontini arlalinni (pingaartumik suliamik ilinniarfinnut tunngasut) nuussinissamut periarfissaqarpoq, taakkuninngalu aqutsineq pisarpoq sinneqartoorutit/amigartoorutillu ilinniarfiit naatsorsuutaanni ilanngullugit. Taamaaliornikkut Namminersorlutik Oqartussat naatsorsuutaat tamakkiisut sunnigaasarput, naak ukiumi naatsorsuusiorfiusumi pineqartumi isertitat/aningaasartuutit piunngikkaluartut.

Isumannaallisaalluni naatsorsuutit imatut sanarfineqarsimapput, suliffeqarfiit nammineertitat taamaallaat aningaasaliissutinik akiligassat akilerallakkalluunniit atorlugit akilersuisinneqartarlugit – ingerlatseqatigiiffinnut Namminersorlutik Oqartussanit pigisanut atuuttunut assingusumik.

Namminersorlutik Oqartussat ukiumoortumik naatsorsuutaanni angusat marluk takuneqarsinnaapput:

- **DAU-mi angusat** – isertitat, ingerlatsinermi aningaasartuutit, sanaartornermi aningaasartuutit taarsigassarsisitsisarnermilu illuartitat katinnerat. DAU-mi angusat siunertaraat isertitatigut aningaasartuutitigullu aningaasaliissutinut sinaakkutissanik qulakkeerinninnissaq kiisalu taarsigassarsisitsisarnermut tunngatillugu akiligassat isertut anisullu.

- **DA-mi angusat** – tassaapput DAU-mi angusat iluarsartuunneqareerneranni inernerusoq taarsigassarsisisarnermilu toqqakkani illuartitat (utertitsineq pereeraangat). *Taarsigassarsinerup suunera najoqqutaasarpoq DAU-mi angusani iluarsartuussinermut taanna DA-mi angusanut ingerlateqqinneqassappat ingerlateqqinneqassanngippalluunniit. Naliliineq pisarpoq taarsigassarsiap erniaqarnera aalajangiisuutillugu aammalu taarsigassarsianik utertitsinissap naatsorsuutigineqarsinnaanera, assersuutigalugu atuisut akiliutaasigut akilersuisitsinikkut (assersuutigalugu imermik nukissiorfeqarnermi).*

Inassutigissavarput nuussinermut malittarisassat isummannaallisaanermilu tunngavissat aammalu angusani oqariartaatsit assigiinngitsut naatsorsuuserinermi atorpeqartumi pitsaanerusumik allaaserineqassasut, taamaalilluni naatsorsuutinik atuartussap kissaatigissappagu tamanna eqqarsaatersuutigisinnaaqullugu.

Ilanngullugu innersuussutigissavarput, inissitsikkat sorliit DA-mi angusani iluarsineqartussaanerat erseqqissumik nassuiarneqaqqullugu, erseqqissaaneq taamaattoq aningaasanik inatsimmik suli-aqarnermi atorpeqarsinnaaqullugu.

Naggataatigut innersuussutigissavarput, inissitsikkat sorliit siunissami nammineq aningaasaatit aqqutigalugit inissinneqartassanersut erseqqissaatigineqassasut – taakkununga ilanngullugu uki-unut siuliinut tunngasut iluarsineqarnissaannut erseqqissaatit.

Aamma nakkutilliiffigaarput, ukiumoortumik naatsorsuutit naatsorsuuserinermi periuseq allaaserineqartoq naapertorlugu saqqummiunneqarnersut, tamanna oqaaseqaasiornissamut pissutissiingilaq.

5.3.2. Akileraarutit akitsuutillu, 2.641 mio.kr.

Akileraarutinit isertitat akitsuutillu Akileraartarnermut Aqutsisoqarfimmit ingerlanneqarput.



Immikkoortut qorsummik qalipaattillit tassaapput kukkunersiuinermi immikkut sammeneqartut.

Misissuiffigaarput aningaasaqarnermut systemip aamma E-akileraarutit akornanni nikinganersiuisoqarsimanera taamalu piniarsimallutigu Akileraartarnermut Aqutsisoqarfiup akileraarutininik piffissalersuisimaneranit nalunaarusiat Namminersorlutik Oqartussani naatsorsuuserinermut tunngavissaat malillugit suliaasimanerat.

Sulisitsisut ukiuni kingullerni digitalimik nalunaarusiorsinnaalersimanerisa kingunerannik akileraarutininik nalunaarsuisarneq sukkatsippoq, taamalu akileraarutinit isertitat ukiumoortumik akileraarfiususamat tunngasut nalunaarsorneqarsinnaanngorlutik.

Pissuserissaarnissaq eqqarsaatigalugu oqaatigineqassaaq kukkunersiuinermi akileraarusiineq immini ilanngunneqarsimangimmat.

Akitsuutinut tunngatillugu misissorparput akitsuutinit akiligassiissutigineqarsimasut aalajangersimasumik akuttussusilersugaallutik ukiumoortumik naatsorsuusiorfiusumut isertitatut eqqortumik inisitsiterneqarsimanerat.

5.3.3. Akissarsiat pensionillu, 2.043 mio.kr.

Inissitsikkaniipput "sulisoqarnermut, nutserisunut aamma paarlatsinut aningaasartuutit", tassaniipput aamma sulisoqarnermi aningaasartuutit allat soorlu pikkorissarnerit, sulisunut tunngasunut angallasinermi aningaasartuutit, nutserisut, akissarsianik suliasaqaarfimmi paarlatsinut aamma siunnersortinut aningaasartuutit.

Akissarsialerinerimik allaffissornerup ilarujussua ASA-mit (Akissarsiat) suliarineqartarpoq.



Immikkoortut qorsummik qalipaattillit tassaapput kukkunersiuinerimik immikkut sammeneqartut.

5.3.3.1. Akissarsiat ilanngaatitaqanngitsut allattorsimaffiat

Akissarsianik akiliuteqarnermut atasumik immikkoortortanut ataasiakkaanut akissarsiat ilanngaatitaqanngitsut allattorsimaffiit nassiussisoqartarpoq, taakkunanani nakkutilliiffiqartussanik aamma immaqa sulisunut soraarsimasunut akissarsianik tunniussisoqarsimasinnaaneranut tunngasumik.

Nakkutilliineq pingaarutilik taanna qulakkeerinnissutaassaaq akissarsianik kukkusunik tunniussisoqartannginnissaanut aamma/imaluunniit sulisunut soraarsimasunut kukkunikkut akissarsianik tunniussisoqarsimasinnaaneranut.

Immikkoortortat qaammatit tamaasa akissarsiat ilanngaatitaqanngitsut allattorsimaffiit akuerineqartumik ASA-mut nassiussisussaapput.

Akissarsiat ilanngaatitaqanngitsut qaammammi ataatsimi allattorsimaffiit utertitsinerit nalunaarsorneqarnerat pissarsiaarput. Nalunaarsukkap taassuma paasinarsisippaa immikkoortortat amerlaqisut pineqartoq pillugu utertitsineq ajortut.

Ukiup naanerani suliamut atatillugu nakkutilliiffigaarput, aningaasaqarnermut aqutsissutip aamma akissarsialerinerimut aqutsissutip kiisalu aningaasaqarnermut aqutsissutip aamma Akileraartarnermut Aqutsisoqarfimmullu nalunaarusiortarneq akornanni naligiissaarisooqartarnera.

2020-mi ukiumoortumik naatsorsuutit suliarinerannut atatillugu akissarsiat tamakkiisut akissarsialeriffik aqutugalugu tunniunneqarsimasut kiisalu akissarsiat Sulinal aqutugalugu Akileraartarnermut Aqutsisoqarfimmullu nalunaarusiortarneq akornanni naligiissaarisooqartarpoq -

aamma akissarsiat aningaasaqarnermut aqutsissummut naatsorsuuserinermi ilanngunneqarsimasut ukiumoortumik naatsorsuutitut ilaasut ilanngullugit.

Piffissami matumani nakkutilliineq ukiumoortumik ataasiarluni ingerlanneqartarpoq. Nakkutilliinerup pitsaassusia pitsanngorsarumallugu aamma naligiissaarinermik suliaq oqilisarumallugu, naligiissaarinermik suliaq qaammatikkuutaartumik ingerlanneqartariaqarpoq.

Taamaaliornikkut kukkuniusinnaasut amigaatillu siusinnerusukkut paasineqartassapput – aamma naligiissaarinermik suliamik ingerlatsineq annerusumik sungiunneqassaaq.

5.3.4. Nioqutissanik kiffartuussinernillu pisineq, 1.715 mio.kr.

Nioqutissanik kiffartuussinernillu pisineq ima eqikkarneqarsinnaavoq:

Regnskabspost - mio. kr.	2019	2020
Direkte udgifter til opgaveløsning	547	580
Takstbetaling til eksterne leverandører	202	124
Ressourceudgifter excl. lønninger	1.020	1.011
	1.769	1.715

Naatsorsuutit inissitsikkat suussusiat apeqqutaatinnagu, aningaasartuutit pissutsinik tulliuuttunik ili-sarnaateqarput:



Immikkoortut qorsummik qalipaattillit tassaapput kukkunersuinerimi immikkut sammeneqartut.

5.3.4.1. Piffissalersuineq

Ukiup naaneranut tunngatillugu nakkutilliivigaarput, aningaasartuutit ukiumi tassunga tunngasuteqarfimminnut nalunaarsorneqarsimanerat. 2020 aamma 2021-p akornanni piffissalersuinerimi kukkunernik paasisaqartoqanngilaq.

5.3.5. Aningaaserivimmi karsinilu uninngasuutit, 708 mio.kr.

Aningaaserivinni uninngasuutit qitiusut ingerlaavartumik naligiissaarneqartarput (kontot nuussinernik amerlasuunik ingerlatsiffiusut uninngasuutillu amerlasuut).

Ukiut siuliinisut assingusumik paasivarput, aningaaserivimmi kontot minnerusut arlaqartut, pingaartumik suliffeqarfinit namminernit suli akisussaaffigineqartuni, taakkua ukiup ingerlanerani naligiissaarineramik ingerlatsiffiusimangitsut.

Tassunga ilanngullugu akiligassallit aningaaserivimmi kontoat naammattumik naligiissaariffiuneq ajorpoq, tassani inissitsikkat tamarmik assigiissaarneqartarunik, uagut paasissutissaativut naapertorlugit ilanngussat amerlasuut ataatsimoortillugit inississorneqartarnerat pissutaalluni.

Innersuussutigaarput taanna siunissami pingaartinneqassasoq, taamaaliornikkut naligiissaarineq tamakkiisoq qulakkeerneqartaleqqullugu.

Kukkunersiunermit atatillugu paasivarput, inissitsikkat arlallit pisoqaanerit ammasut, suli aalajangiiffigineqarsimangitsut.

Aningaasanik tigorianaannarnik ataavartumik naligiissaarineq nammineq nakkutilliinermut pingaarteqartuummat inassutigissavarput, siunissami aningaaserivinni uninngasuutit karsimiittuutinillu naatsorsuinerit ataavarmik misissorluarneqartarnissaat anguniarlugu suliniutinik aallartitsisoqallugu.

5.3.6. Ingerlatsivinnut taarsigassarsiissutit, 1.892 mio.kr.

Ingerlatsivinnut taarsigassarsiissutit (ingerlatsiviit nammineertitat aamma ingerlatsiviit Namminersorlutik Oqartussanit pigineqartut) naligiissaarneqarnerannik ingerlatsineq nakkutilliivigaarput.

5.3.7. Innuttaasunut ingerlatsivinnullu taarigassarsiissutit, 658 mio.kr.

Taarigassarsiissutitat Namminersorlutik Oqartussat naatsorsuusiornermi najoqqutassaata malillugit naatsorsorneqarlutillu nalimikkut aalajangersaaffigineqarnerat misissorpavut. Saniatigut misiligutinik tiguisarluta taarsigassarsisitsinermi uppersaataat pigineqartut pissarsiaralugillu misissuiffigaavut.

5.3.8. Innuttaasunit ingerlatsivinnillu pissat, 925 mio.kr.

Namminersorlutik Oqartussat nammineq maleruaqqusai suleriaasillu atortitai malillugit, pissarsiasat qaammatinik arfinilinnit pisoqaanerusut nalikillinerneqartaasapput Akileraartarnermut Aqutsisoqarfiullu akiliisitsiniartarfianut tunniunneqartassaapput, taamalu naatsorsuusiornermut ilitsersuummi malittarisassat malillugit akiliutit akiliisitsiniartarfimmut tuttassapput.

Akiitsullit qitiusoqarfimmit isumagineqartut misissuiffigineqarnerannik kukkunersiunitsinni paasivarput, akiitsut arlallit qaammatit arfinillit qaangerlugit pisoqaavallaartut, taamaakkaluartoq akiliisitsiniarnermik ingerlatsiffigineqarsimangitsut aamma nalikilliliivigineqarsimangitsut suliffeqarfimmi malittarisassat naapertorlugit taamaattussaagaluit.

Aningaasat nalingi nalikilliliivigineqarsimangikkaangata immikkoortortani ataasiakkaani aningaasaliissutaasimasut eqqutinniarni ajornarsinnaasarpog naapertuutinnigsumik nikingasoornermik kinguneqartarmat, soorlu akiliisitsiniartarnermi nuussinernit amigaataagaangata akiligassat suliarneqanngitsoornerat pisinnaavoq taamaattumillu taakku pisoqaavallaalersinnaallutik.

Innersuussutigissavarput akiliisitsiniarnermi nuussinernut malittarisassat malinneqaqqullugit.

5.3.9. Piginneqatigiissutit, 4.615 mio.kr.

Piginneqatigiissutit Namminersorlutik Oqartussani naatsorsuuserinermi periutsit naapertorlugit pisarineranni akiat tunngavigalugu naatsorsorneqarsimapput.

Tamanna kukkunersiuinermut atasumik nakkutilliffigaarput oqaaseqaasiornissamullu tunngavissingilaq.

5.3.10. Akiitsut akilerasuagassat, 965 mio.kr.

5.3.10.1. Akiligassaqarfiit

2020-mi ukiumoortumik nalunaarusiamik saqqummiussinermut atatillugu kukkunersiuinermi paasivarput akiligassaqarfiit pillugut naligiissaarineq pisariaqartoq ingerlanneqarsimanngitsoq.

Suliassaqarfimmik ingerlatsineq ukiup ingerlanerani pitsanngorsarneqarsimavoq, taamaattoq uagut ukiup ingerlanerani kukkunersiuinermik ingerlatsisarnitsinni kiisalu naatsorsuutit ukiumoortumik naammassineqarneranni takuneqarsinnaavoq, naligiissaarinerit kissaatigineqartutut ingerlanneqartanngitsut, taamatullu naligiissaarinerimik ingerlatsiffiusut amerlavallaat sulianik ammaannartunik ilaqartut, tassa akiligassaqarfigisanut illugiilluni pisassaqaqatigiissutit naligiissaarneqarnerannik suliap ingerlateqqinneqarnissaa pisariaqartoq.

Kukkunersiuinermut atatillugu aamma paasivarput inissitsikkat arlalialuit pisoqalisut ammaannartut, sulii naliliiffigineqarsimanngitsut.

Uagut paasinnittaaserput naapertorlugu, aallaaviatigut immikkoortortat ataasiakkaat inissitsikkanut taamaattut qulaarneqarnissaannut akisussaaffeqarput, taamannalli pisoqartanngitsoq, aamma taanna qitiusoqarfimmit iliuuseqarfigineqartanngilaq.

Uninngasuutininik tigoriaannarnik kukkunersiuinermut atatillugu paasivarput aningaasanik ammaannartunik amerlasoorsuarnik imalinnik akiitsoqarfigisat ataasiakkaat ataanni kontonut inississorneqartussaagaluanik peqartoq. Taamaattoqarnera pisiniartarfinnut akiitsut amerlassuserpiaannik qularnermik nassataqartarpoq aamma avataani kontot nalunaarsorneqarnerisa naligiissaarneqarnerat sulii ajornarnerulersinneqarluni.

Innersuussutigaarput akiitsoqarfigisanut naligiissaarinerimik suliaq – aamma immaqa illugiilluni pisassaqaqatigiissutit ammaannartut qulaarneqarnerat – siunissami sulii sukateriffigineqarneroqqullugu – pisiniartarfiit 10 qaammatikkuutaartumik naligiissaarinerimik ingerlatsiffigineqarnerisigut, kiisalu naligiissaarinerit nakkutilliffigineqarnerannik ingerlatsisoqartaqqullugu.

5.3.10.2. Isertitanik aamma aningaasartuutininik piffissalersuineq

Siusinnerusukkut oqaatigineqartutut Namminersorlutik Oqartussat naatsorsuutininut najoqqutaat malillugit isertitat aningaasartuutillu ukiumut pineqartumut tunngatinneqartussaapput, taamaliornissamut piginnaatitaaffeqaraanni - ukiumut akiliiffiusumut inissinnagit.

Piffissalersuineq aningaasaliissutit naatsorsuutaannut toqqaannartumik sunniuteqarpoq, piffissalersuineq kukkusooq aningaasaliissutit eqquutsinneqarnerannik eqquutsinneqannginnerannilluunniit kukkusumik takussutissiisnaammat.

Uagut paasinnittaaserput naapertorlugu naatsorsuutini inissitsikkat uppernarsarnerat immikkut erseqqissaatinik nassuiaatinillu amigaateqarpoq.

5.3.10.3. Inississukkat akissarsianik akiitsunut tunngasut

Tassaapput Akileraarutit A-ni akiligassaanerusut sulinngiffeqarnersiutissatullu akiligassat. Taakkua immikkut erseqqissaaserneqarsinnaasut nakkutilliffigaarput. Tassani paasivarput uninngasuutit pisoqalisut arlaqartut ikileriarsimasut suuneri paasinigassaallutik.

5.3.11. Sivisuumik aningaasaliissutissanut Aningaasaateqarfik 131 mio.kr.

Missingersuusiortarnermut inatsisip atulersinneqarneratigut piffissami sivisuumik aningaasaliissutissanut naatsorsuuserinerup teknikkitaanut aningaasaateqarfik atulersinneqarpoq.

2018-imi DAU-mi sinneqartoorutit 115 mio.kr.-it Aningaasaateqarfimmut nuunneqarput, ukioq aningaasanut inatsisip atuuffia tulliuuttup (2019) naanginnerani taamannak ingerlatsinngitsoortoqarmat.

Taakkua saniatigut immikkut ittumik akileraarutinit isertitat ilanngaateqanngitsut 16 mio.kr.-it Aningaasaateqarfimmut nuunneqarput.

5.3.12. Aatsitassarsiornermi Aningaasaateqarfik

Aatsitassarsiornermi Aningaasaateqarfik ulloq 01.01.2019 pilersinneqarpoq Namminersorlutik Oqartussat nalunaarutaat nr. 7, 29. januar 2021-imeersoq naapertorlugu Kalaallit Nunaanni Aatsitassarsiornermut Aningaasaateqarfik pillugu inatsisartut inatsisaanik atuuttuulersitsineq tunngavigalugu.

2020-mi Aningaasaateqarfimmut 8 mio.kr.-it nuunneqarput, taakkua assigaat 2019-imi Aatsitassarsiornermi naatsorsuutini sinneqartoorutit.

5.3.13. Sanaartornermut iluarsartuussinermullu aningaasaateqarfik, 1.084 mio.kr.

Kukkunersiuiinnermut atasumik sanaartukkatut suliniutinit misissugassanik tiguisarluta nakkutillivugut.

Ilanngullugu Sanaartornermut Iluarsartuussinermullu Aningaasaateqarfiup 2020-mi nalunaarusiari-neqarnera pissarsiaaraarput misissorlugulu.

5.3.14. Oqimaaqatigiisitsinermi konto, 7.228 mio.kr.

Ukiumi angusanut oqimaaqatigiisitsinermi konto kiisalu taarsigassarsitsinerit nalinginik iluarsinerit, taarsigassarsiat erniaqanngitsut akilersugassaanngitsullu il.il. allanngortinnerannut tunngavoq.

Ukiumi kukkunersiuiunitsinni paasivarput, nalinik iluarsinerit 3 mio.kr.-inik nalillit iluarsiiqqineqarsimasut, tassaasut taarsigassarsitsinernik aaqqiinerit INI A/S-imit suliarineqartartut.

Piffissami sivisuumi aningaasaliissutinut Aningaasaateqarfimmut 115 mio.kr.-it nuunneqarput, tassunga malittarisassat atuuttut naapertorlugit.

Tassunga tunngatillugu paasivarput oqimaaqatigiissitsinermut kontomi inissitsiterineq pillugu politik-kimik aamma akuersissuteqartarnermik ingerlatseriaatsimik suli aalajangersaasoqarsimanngitsaq.

Periusissat erseqqissut suliarineqartariaqarput, inissitsikkat qaqugukkut nammineq aningaasaatinut inissinneqartarnissaat pillugit (aningaasaliissutit aallaavigalugit ingerlatsineq aqqutiginnagu) – kiisalu inissitsikkat taamatut ittut akuersissutigineqartarnissaat pillugu (immikkut akuersisitsinermik ingerlatsineq pillugu).

5.3.15. Pisussaaffinngorsinnaasut pisussaaffiillu

Naatsorsuutini Namminersorlutik Oqartussanut pisussaaffinngorsinnasut allatorneqarsimapput. Paasissutissat pissarsiaqut malillugit pisussaaffinnut pineqartunut qitiusumik nalunaarsuiffeqanngilaq, paasissutissallu pitsassutsimikkut qulakkeerneqarneq ajorlutik.

Isumaqarpugut pisussaaffinngorsinnaasunik allattuinnisaq pingaaruteqarsinnaasoq. Tamakku assersuutigalugu tassaasinnaapput taarsigassarsisitsinerit ernialersugaanngitsut naafferartumillu akilersugassaanngitsut pillugit paasissutissat, naatsorsuutini 0 kr.-mik naleqartut tagginneqarsimasut, pisunili aalajangersimasuni suli Namminersorlutik Oqartussanit isertitaqartitsissutaasinnaasut.

5.4. Avataanit aningaasaliissutit

Suliassa qarfinni arlalinni isertitat avataanit suleqatinit pissarsiarineqartarput. Isertitat taakkua siunertanut aalajangersimasunut atorneqartussaapput. Tassaasinnaapput Aatsitassa qarnermik suliassa qarfimmi oqartussaaffeqartutut sulianit isertitat aamma ilisimatusarnermik suliassa qarfimmi suliutit avataanit aningaasalersorneqartut.

Isertitat aamma aningaasartuutit taakkua kontot inerneqareersut atorlugit ingerlanneqarput aamma taamaattumik immikkoortortat ingerlatsinermi kontoannut toqqaannartumik sunniuteqartaralik.

Taamaattumik kontoni taakkunani nikinnerit Namminersorlutik Oqartussat naatsorsuutaanni er-sinngillat.

Taamaattumik suli innersuussutigaarput, sammisat taakkua pillugit Namminersorlutik Oqartussat naatsorsuutaanni immikkoortunik allakkiaqassasoq, taamaaliornikkut naatsorsuutininik atuartumit erseqqissumik takuneqarsinnaaqqullugu sammisat taakkua Namminersorlutik Oqartussat uki-umoortumik naatsorsuutaanut qanoq sunniuteqarnerisut.

5.5. Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit naligiissaarneqarnerat

Kukkunersiunerit atavillugu Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit aamma pissaqatigiissutit (pissaqatigiissutit, pissat aamma akiitsut) akornanni naligiissaarinerit ingerlatsisoqarniaraluarpoq.

Naligiissaarinerit taamaattumi Namminersorlutik Oqartussat nammineq naatsorsuutaanik uppernarsaaneq aamma isertitat aningaasartuutillu piffissalorsorneqarnerat pitsanngorsarneqassagaluarput.

Tassani naligiissaarinerit ataasiakkaat taamaallaat pissarsiarineqarsinnaasimapput.

Taamaattoq ajornakusoorpoq immikkoortup aappaani isertitatut nalunaarsorneqarsimasoq immikkoortup aappaani akiligassatut suliarineqarsimasumut assingusumut naligiissaarinerit ingerlatsifigineqarsimasumik nassaassalluni. Assingusumik ajornakusoorpoq immikkoortumi pissaqartup immikkoortup illuani akiitsulimmut naligiissaarneqarnerannik nassaassalluni.

Assersuutigalugu, Nukissioffinnit Namminersorlutik Oqartussanut sarfamat, imermut kiassarnermullu akiligassiisutaasa aamma Namminersorlutik Oqartussanut aningaasartuutaasumut inisitsikkani assingusumik naligiissaarinerit ingerlatsiffiusimasumik suliaqartoqarsimanngilaq.

Tamanna aamma Tele Greenland A/S-ip Namminersorlutik Oqartussanut akiligassiisutaanut atuuppoq.

Soorlutaaq Namminersorlutik Oqartussat kommuninut aamma kommunit isertitaannut tapiissutitut utertissutaannut aningaasartuutaasunut atuuppoq.

Taakkununga unammillernartut taamaalillutik sulii ersarinnerulersinneqarput pisortat ataatsimoorumik kontonut pilersaarutaanik atortuulersitsinerit.

Tamanna 2020-mi suliniarfigineqarpoq, kisianni ukiumik naammassinninnermut atasumik tassunga tunngasumik sulii unammilligassaqarpoq. Taamaattumik uagut toqqarparput tassunga atasumik kukkunersiuisutut oqaaseqaammik saqqummiussissalluta.

6. Inatsisit atortinneqarnerannik kukkунersiuineq

Inatsisit atortinneqarnerannik kukkунersiuinerup imaraa paasiniassallugu Namminersorlutik Oqartussat inatsisit, malittarisassat, najoqqutassat, politikikkut aalajangiussat aamma isumaqatigiisutaasimasut naapertorlugit ingerlatsinersoq.

Kukkунersiuineq ingerlanneqarpoq misissugassanik tiguisarluni aarlerinaataasinnaasunik pingaarutilinnillu naliliinikkut. Kukkунersiuinermit suliaasaqarfii/sammisat tamavimmik ukiut tamaasa misissuiffigineqarneq ajorput.

Pisortat Naatsorsuutaannik Kukkунersiuinermit lleqqorissaarnissaq aallaavigalugu ileqqussaq nr. 6 tunngavigalugu, inatsisit atortinneqarnerannik kukkунersiuinermit, uagut kukkунersiuisutut ingerlaavartumik inatsisit atortinneqarnerannik kukkунersiuinermit sammisat naapertuuttut inississavagut. Ileqqussami sammisat assigiinngitsut aalajangersarneqarput, naapertuutsillugit ingerlateqqinneqartariaqartut:

- Pisiniarnermik ingerlatsineq
- Akissarsianut aamma atorfeqartitsinermit inatsisinik eqquutsitsineq
- Tunisaqarnermik ingerlatsineq
- Oqartussaaffeqartut akitsuutininik akiliisitsiniaanerat
- Tapiissutinik il.il. tunniussinissamut aalajangiinerit
- Pisinnaatitaaffittut aalajangersakkat tunngavigalugit nuussinerit

Inatsisit atortinneqarnerannik ingerlaavartumik kukkунersiuinermit allaffissornermit inatsisit malittarisassallu eqquutsinneqarnerat pingaarnertut suliarineqartarpoq.

Qulaani taaneqartut saniatigut ingerlatsinermit inatsisit aamma malittarisassat suliaasaqarfinnillu aalajangersimasunut inatsisit malittarisassallu eqquutsinneqarnerat kukkунersiorneqartarput. Tamannali annermik pisarpoq misissuinermit anginermit ingerlatsinermit atatillugu (tak. imm. 8).

6.1. Nakkutilliinermik suliassaqarfik

Nakkutilliinermik suliassaqarfimmi ingerlatsiffigineqartartut tassaapput suliffeqarfik, ingerlatseriaatsit, piginnaassutsit aamma atortut ikiorsiissutit, Namminersorlutik Oqartussat inatsisinik, malittarisassanik, najoqqutassanik, politikikkut aalajangiussanik aamma isumaqatigiissutinik atuuttunik taamatullu nunat tamalaat akornanni isumaqatigiissutinik sulinermi ingerlaavartumik eqquutsitsinermik qulakke-erinninniarnermi.

Nakkutilliinermik suliassaqarfiup misissorneqarnera Namminersorlutik Oqartussanit eqqarsaatigineqaaqqullugu siunnersuutinik imaattunik saqqummiussisoqarpoq:

- Ileqqorissaarnermi malitassanik suliaqarneq
- Inatsisit allattorsimaffiisa katersat pitsanngorsarneqarnerat, tassunga ilanngullugu assersuutitut katersat, aalajangiussinermik ingerlatsinerit, naammagittaalliutit aamma suliamik ingerlatitseqqinnerit inernerat il.il.
- Sullissisunut pinngitsoorani qarasaasiat aqutugalugit ilinniarnernik atulersitsineq
- Suliamik ingerlatsinermi aaqjissuussamit tapertaqarnerup pitsanngorsaavigineqarnera
- Inatsisilerinermit immikkoortortamut saaffiginnittussaataaernerik eqquussineq, inatsisit paasineqarnissaannut, aallartitat pisinnaatitaaffinut aamma aalajangiisinnaanermut pisinnaatitaaffiit pillugit suliani qulartoqartillugu atuuttussamik
- Suliamik ingerlatsinerup naammassinerani suliffimmi namminermi nakkutilliinerup atulersineqarnera (suliamut aqutsisup nakkutilliinera)

Tassunga tunngasunik Naalakkersuisut isummiussatik eqqarsaatersuutitillu 2016-imi Kukkunersiuisut oqaaseqaataannut akissuteqaatinut atatillugu allaaseraat.

Taakkununga akissuteqaatit maluginiarpagut aamma akissuteqaatit siunissami sulinitsinni ilanngutissavagut.

Ataaniittoq aamma immikkoortoq 8 misissuinernut anginernut tunngasoq innersuussutigineqarpoq.

6.2. Aningaasaliissutinik nakkutilliineq – atukkat paarlattuanik aningaasaliissutit, nuussinerni malittarisassat il.il.

Naatsorsuuserinermi najoqqutassami immikkoortoq 7.3 naapertorlugu malittarisassat maanna ima allanngortinneqarput, naatsorsuutit nassuiaaserneqassasut aningaasaliissutaasunit atorneqarsimasut 2 pct.-imik imaluunniit 1 mio. kr.-it sinnerlugit nikingassuteqarpata.

Naalakkersuisoqarfiup nalunaarutigisussaavaa nikingassutaasut sulianut ingerlanneqarsimasunut naleqqiullugit sumik pissuteqarnersut – sunalu pissutugalugu nikingassutaasunut aningaasaliissutis- sanik matussutaasussanik pissarsiniartoqarsimannginnersoq.

Nikingassutaasunut nassuiaatit misissorpavut, Nunap Karsiata ukiumoortumik naatsorsuutaanni ilanngussani takuneqarsinnaapput.

Naliliivugut nikingassutitut nassuiaatit nakussassarniarlugit sulisoqartoq, tamannalu qularnanngitsumik ima isigineqartariaqarunarluni, ukiup ingerlanerani missingersuutininik malitseqartitsilluni ataavar-tumik sulinerup nukinnik atuiffigineqarneruneranik suliniartoqarneratut.

Naatsorsuutinulli nassuiaatit peqqissaarunneqaneri pissutaasunillu allaaserisaqartarneq nikerarput – tassunga ilanngullugit nikingassutit suliassanik allanngortitsisimanernik pissuteqarnerisut erseqqin-nerusariaqarput.

Atorfiit inuttaleruminaatsinneqarsimaneri nikingassutitut pissutaappata, isumarput malillugu tamanna suliassaqrarfiup iluani naammassinninniarnermut qanoq kinguneqarsimanersoq allaaseri-neqartariaqarpoq.

Nikingassutitut nassuiaatini amerlanngitsuinnarnit taaneqarpoq, suna pissutigalugu nikingassutit matussuserniarlugit aningaasaliissutinik pissarsiniarnerup pisinnaasimannginera.

6.3. Pisiniarnernik ingerlatsinerit

Pisiniartarneq pillugu malittarisassat sanaartornermik suliassaqrarfimmi Neqerooruteqartitsisarneq pillugu Inatsisartut inatsisaat nr. 11, 2. december 2009-meersumi ilaatigullu kaajallaasitamit 24.10.2010-meersumi Namminersorlutik Oqartussat qitiusumik allaffeqarfiata taassumallu ataani suliffeqarfinni nioqqutissanik kiffartuussinernillu pisiniartarneq pillugu malitassat allassimapput.

Nioqqutissanik kiffartuussinernillu pisiniartarneq eqqarsaatigalugu Pisortat suliassaqrarfianni nioqqu-tissanik kiffartuussinernillu pisiniarnermi neqerooruteqartitsisarneq pillugu inatsi ulloq 01.07.2019 atulersinneqarpoq.

Taassuma saniatigut Namminersorlutik Oqartussat immikkut kaajallaasitamik ulloq 20.10.2020 akuersissuteqarput, tassani neqerooruteqartitsinermi piumasaqaatit suli sukannernerulersinneqarput.

Aammattaaq kaajallaasitaq isumaqatigiissutinik tunniussinermut atuuttoq atuuppoq, taanna nioqqutissanik kiffartuussinernillu pisiniarnermut tunngassuteqartoq. Naliliisoqarpoq nioqqutissanik kiffartuussinernillu pisinermi isumaqatigiissutinik tunniussinissamut kaajallaasitamik eqquutsitsineq pingaarnertut unammillernartoqartoq.

Namminersorlutik Oqartussat pisiniartarnermut immikkoortortamik pilersitsisimavoq, tassannga sularineqassaaq suliassaqrarfiit assigiinngitsut akimorlugit neqerooruteqartitsineq aamma suliassaqrarfinnut ataasiakkaanut neqeroortitsinerinik immikkut ittunik ikiuunneq.

Immikkoortortaq 2020-mi neqerooruteqartitsinerinik arlalinnik ingerlatsivoq/ikiuuppoq, aamma pisiniartarfiit toqqakkani isumaqatigiissutit atuuttut ingerlaavartumik malitseqartitsinerinik ingerlatsiffigineqartarput.

6.4. Akissarsianik aamma atorfinitsitsinermi inatsisinik aalajangersaaneq

Akissarsialerinermik ingerlatsissummit akissarsianik qaammammusianik suliat toqqakkat arlallit namminersorlutik oqartussani ingerlatsivinni assigiinngitsuneersut misissorpavut.

Inunnut toqqakkanut akissarsiatut, tapitut, ullormusiassatut aamma aaqqiissutitut tunniussat misissoqqissaarnerannik ingerlatsivugut aamma akissarsialeriffiup uppersaataannut assersuussiner-nik ingerlatsilluta, aamma nakkutilliinermi atortunik soorlu akissarsiat pillugit isumaqatigiissutit, akissarsiasat nalunaarsuiffiat kiisalu kaajallaasitani allassimasut aalajangiussanut il.il. ataasiakkaanut tunngasut tamaasa ilanngullugit.

Misissugassanik tiguisarluta paasiniaanitsinni kukkunernik malunnaatilinnik takusaqanngilagut.

Taamaattoq paasivarput atorfinitsitsinermi isumaqatigiissutit arlallit atsiugassaallutik utertinneqartus-sat utertinneqarsimangitsut.

Inatsisit naapertorlugit atorfinitsitsinermi isumaqatigiissutit atsiukkat tamatigut pigineqartussaapput, taamaamat innersuussutigissavarput tamanna malitseqartinneqassasoq.

Taakkua saniatigut paasivarput suliani ataasiakkaani isumaqatigiissutit naapertorlugit tapinik aki-liuteqartoqartarsimasoq, isumaqatigiissutit nalinginnaasut aaqqissuuteqqinnerat naapertorlugit aaqqiiffiqineqartarsimangitsunik.

Ilsimatitsissutigineqarpoq kingorna aaqqiissutinik suliaqartoqartartoq aamma tapit ataasiakkaat pil-lugit akiliuteqartoqarluni. Innersuussutigissavarput tapit akissarsianut assigiinngitsunut atuuttut mi-sissorneqartaqqullugit isumaqatigiissutit aaqqissuuteqqinnerannut atasumik, taamaaliornikkut qulak-keerneqassaaq sulianik/tapiissutinik allanik sulii aaqqinneqarsimangitsunik peqarnera.

Innersuussutigissavarput tapit akissarsianut assigiinngitsunut atuuttut isumaqatigiissutinik aaqqis-suuteqqinnerannut atasumik misissorneqartaqqullugit, qularnaarumallugu sulianik/tapiissutinik al-lanik eqqortumik aaqqinneqarsimangitsunik peqarsinnaanera.

6.5. Tunisinerit

Suliasaqarfinnut arlalinnut tunngatillugu Namminersorlutik Oqartussat suliffeqarfiutai avataani su-leqatigisanut kiffartuussiner-nik tunisaqartarput. Kiffartuussinerit tunisat nalinginnaasumik tassaap-pu sulianut pioreersunut atuumassuteqartut.

Suliffeqarfik isertitanit matussuserneqartartunik taaguusersuineq (matumani allaaserisani allani soorlu takuneqarsinnaasoq) piffissami matumani Namminersorlutik Oqartussani piunngilaq – tassa sammisanut taakkununga malittarisassat suut atuunnerat erseqqinnatik.

Taamaattumik aamma erseqqinngilaq, suliat sorliit ”suliffeqarfiit isertitanit matussuserneqartartutut” ingerlanneqartarnersut – aamma kiffartuussinerit taakkua akiisa qanoq inissinneqartassanerat – taakkununga ilanngullugit kiffartuussinerup qulequtaa allaffissornermi naatsorsuiner-ni atugassaq.

Sulianut taakkununga aamma angusassatut piumasaqaatit pillugit malittarisassat amigaataapput. Ilimagineqarpoq sammisat taamaattut amigartoorutaasassanngitsut. Ingerlatsiviit isertitanik matususerneqartartut amigartooruteqassappata, taakkua taamaallaat ingerlatsinermi aningaasaliissutinit aningaasalersorneqassapput. Tassunga piumasaqaataavoq aningaasaliissutitigut inertequtaannginnerata isummerfigineqartariaqarnera.

Taamaattumik innersuussutigiumavarput, ingerlatsiviit isertitanit matususerneqartartut najoqqutassaannik suliaqartoqaqqullugu, akunnermut akinik naatsorsuisoqarnissaanut piumasaqaatit ilanngullugit kiisalu allaffissornermi qulequtassaq (allaffissornermit ilanngussaq), angusassatut piumasaqaatinut aalajangersaanerit kiisalu sinneqartoorutaasinnaasut atomissaannut aalajangersaanerit.

6.6. Oqartussaaffeqartut akitsuutinik akiliuteqaqqusissutaat

Namminersorlutik Oqartussat akitsuutinik akiliuteqaqqusissutaata annertussusia pingaaruteqarner-soq, nalilerneqanngilaq.

6.7. Tapiissutininik il.il. tunniussinermut aalajangiinernerit

Tapiissutit tunniunneqartarput Aningaasanut Inatsit aqqutigalugu aalajangiinertigut, aallaaviatigut tapiissutininik pissarsinissamut killissarititaasut/piumasaqaatit erseqqissakkat tunngavigalugit.

6.8. Pisinnaatitsissutinik tunniussinermi aalajangiinernerit

Suliassaqaarfinni arlalinni ingerlatsiviit pisinnaatitsissutinik tunineqartarput pinngortitap aamma nunap sananeqaataanik atuisinnaanermut tunngasunik, taakkununga ilanngullugit piniarsinnaanermut aalisarsinnaanermullu allagartat kiisalu uuliamik, gassimik, mineralinik sananeqaatinillu allanik misissuisinnaanermut paaasinnaanermullu pisinnaatitsissutit.

Qinnuteqaatinik aamma pisinnaatitsissutinik passussineq pisortat suliffeqarfiutaanni suliamik ingerlatsinermut inatsisinik kiisalu suliassaqaarfinnut immikkuullarissunut malittarisassanik imaqarpoq. Kingullertut taaneqartoq pillugu suliassaqaarfinni ataasiakkaani inatsisaanni imaluunniit allaffissornermi tunngavissani allassimasarput.

Ukioq 2020 Aalisarnermut, Piniarnermut Naalackersuisoqarfiup akuersissutinik aamma tapiissutitit- aamma taarsigassarsitsinermik ingerlatsinera kukkunersuinerimik ingerlatsiffigaavut.

Misissuinerit anginerit pillugit immikkoortoq 8 innersuussutigaarput.

Misissuinerit ingerlanneqartut aallaavigalugit uagut naliliinerput naapertorlugu allattuisussaati-taanermik eqquutitsinissamut malittarisassat eqqarsaatigalugit allaffissornermik ingerlatsinermi unammilligassaqarpoq. Tamatuma kinguneranik oqarasuaatikkut oqaloqatigiinnernit aamma ataatsimiinnernit imaqarniliat naapertuuttumik imaqartut tamatigut pigineqartanngillat.

Innersuussutigissavarput allattuisussaataaneq pillugu malittarisassat immikkut atuartitsissutigineqarnerannik ingerlatsisoqarsinnaanera eqqarsaatigineqaqqullugu – aamma tamanna suliffeqarfimmi, aqutsisut nakkutilliineranni malitseqartinneqartarluni, uagut sionatigut taamaatumik atulersitsisoqarnissaanut innersuussuterput naapertorlugu.

Innersuussut taanna Aalisarnermut, Piniarnermut Naalackersuisoqarfimmut kisimi atuutinngilaq, kisianni Namminersorlutik Oqartussanut suliffeqarfissuarmut tamarmut atuuppoq.

6.9. Nuussinerit pisinnaatitsissutininik aalajangersaaffigineqarsimasut

Namminersorlutik Oqartussat nammineerluni inunnut ataasiakkaanut pisinnaatitsissutininik nuussinerinik tunniussineq ajorpoq, tassunga suliamik ingerlatsineq kommuninut suliassiissutigineqarsimammat.

Kommunit tassunga aningaasartuutigisaat Namminersorlutik Oqartussanit tamakkiisumik ilaannakortumilluunniit utertinneqartarput.

Piumasaqaataavoq, kommunit kukkunersuisui suliamik kukkunersuiinermik ingerlatsissasut aamma taakkua pillugit immikkut ittunik kukkunersuisutut oqaaseqaasiortassasut.

Kommunit piumasaqaatinik naammassinnerannik nakkutilliinikkut akiliutaagallartunik utertitsisarnerinik suliamik tigusinissaannut tunngasoq, Isumaginninnermut Inatsisinillu atuutitsinermut Naalackersuisoqarfiup ataani inissisimavoq, utertitassanik akiliuteqarnermik suliaq Aningaasaqarnermut Sulisoqarnermullu Aqutsivimmit suliarineqartoq.

Apeqqutigaarput Nakkutilliinermik suliassaqarfik kukkunersuiineq pillugu kukkunersuisut nalunaaru-taannik misissuisarnermaq, taamaattoqanngilarli.

Taamaattoq oqaloqatigiinnermik ingerlasoqarpoq suliassaqarfimmi suliamik aamma aningaasaqarnermik akuleriimmik nakkutilliisoqartarnissaanik pitsaanerusumik pilersitsinissaq siunertaralugu.

6.10. Namminersorlutik Oqartussat aamma Naalackersuisunut ilaasortat akornanni piasaqaqatigiissutit

Ukiumoortumik naatsorsuutit naammassineqarneranni Inatsisartunut ilaasortat aamma Namminersorlutik Oqartussat akornanni ulloq 31/12-2020 piasaqaqatigiissuteqarneq misissorparput.

Misissuinerimi ilaasortat inuussutissarsiornerannut Namminersorlutik Oqartussanik piasaqaqatigiissutigisinnaasaat taamaallaat misissorneqarput.

Misissuineq oqaaseqaasiornissamut pissutissiinngilaq.

7. Ingerlatsinermik kukkundersiuneq

Ingerlatsinermik kukkundersiunermini misissorneqarput, Namminersorlutik Oqartussani aningaasat atugassiissutigineqartut iluanni atorluaalluni qanoq suliamik ingerlatsisoqartarnera, taamaaliornik-kut innuttaasunut sullissineq pitsaanerpaaq suliniutikinnerpaajulluni (nukissanik atuineq) ingerlanneqarnera paasinialugu.

Misissuinermini sipaarsinnaassuseq, pilersitsisinnaassuseq aamma pitsaassuseq ilanngunneqarput.

Kukkundersiuneq ingerlanneqarpoq misissugassanik tiguisarluni aarlerinaataasinnaasunik pingaarutilittullu isigisanik naliliinikkut. Tassa kukkundersiunermini suliassaqarfii/sammisat ataasiakkaat tamarmik ukiut tamaasa ilanngunneqarneq ajorput.

Pisortat Naatsorsuutaannik Kukundersiunermini lleqqorissaarnissaq aallaavigalugu ileqqussaq nr. 7 naapertorlugu, uagut kukkundersiuisutut ingerlaavartumik inatsisit atortinneqarnerannik kukkundersiunermini sammisat naapertuuttut inississavagut. lleqqussami sammisat assigiinngitsut aalajangersarneqarput, naapertuutsillugit ingerlateqqinneqartariaqartut:

- Sulianik aamma nukissanik aqutsineq
- Anguniagassanik angusanillu aqutsineq
- Pisortatigoortumik pisiniarnernik aqutsineq
- Ukiuni arlalinni aningaasaliissutitut suliniutit missingersuutaannik aqutsineq
- Pisortat tapiissuteqartarnerattut aaqqissuussanik aqutsineq.

7.1. Nakkutilliinermik suliassaqarfik

Nakkutilliinermik suliassaqarfimmi sammineqarput aqutsinermi iluseq, aarlerinaatinik aqutsineq aamma aningaasaqarnermik aqutsineq. Immikkuualuttut ataatsimoorlutik sipaarsinnaassuseq, pilersitsisinnaaneq aamma pitsaassuseq aallaavigalugu politikkikkut aalajangiussanik nakkutilliipput.

Nakkutilliinermik suliassaqarfiup misissorneqarnerani Namminersorlutik Oqartussanit eqqaasatersuutigineqaqqullugit makkua siunnersuutigineqarput:

- Missingersuutininik aqutsinerup pitsanngorsarneqarnera aningaasaliissutit qaammatinut aamma aningaasaqarnermi kononut/eqimattanut agguataarnerat aqqutigalugit ingerlanneqartoq
- Qaammatikkuutaartumik missingersuutit malitseqartinneqarnerannik eqqussineq
- Suliniutit anguniakkallu pillugit attaveqatigiinnerup pitsanngorsarneqarnera suliffeqarfiup iluani isumaqatigiissutinik aqutsinermik annerusumik atorneq aqqutigalugu

- Suliniutitut aningaasaliissutit aqunneqarnerannik pitsanngorsarneqarnera, taakkununga nammineq piffissamik atuinnermut uuttuinerit aamma nalunaarsuinerit atorneqarnerisigut
- Tapiissutitut aningaasaliissutit atorneqarnerannut naliliinerit pitsanngorsarneqarnerat
- Aqutsisut paasissutissiinerisa nukittorsarneqarnerannut paasissutissatut tunngaviit pitsanngorsarnerat
- Ungasinnerusumut suliat aamma nukissat aqunneqarnerannik pitsanngorsaanermik taamatullu anguniagassanut angusanullu aqutsinermik suliat nanginneqarnerat
- 2016-imi Kukkuersiuisut nalunaarutaannut Naalakkersuisut isummiussatik eqqarsaatersuutitillu akissuteqaatitut allaaseraat

Taakkununga akissuteqaatit maluginiarpavut aamma siunissami suliamik ingerlatsinitsinni akissuteqaatit taakkua ilanngutissavagut.

Immikkoortoq tulliuuttoq immikkoortorlu 8 aamma misissuinerit anginerit innersuussutigineqarput.

7.2. EU-p innersuussutaanik malitseqartitsineq

EU Commisioni Kalaallit Nunaannut piffissami 2014-2020 tapiissuteqarpoq.

Taamaattumik 2014-imi Namminersorlutik Oqartussani kingumut isiginiarneqaqqipput:

- Nunap aningaasaqarnerani tamakkiisumi sinaakkutit
- Aningaasaqarnermik aqutsineq (Public Financial Management)
- Missingersuutit ersarissuunerat aamma tamakkiisuunerat (Transparency and oversight of the budget)

Nalunaarutiginninnermi suliniutit arlallit innersuussutigineqarput – taakkununga ilanngullugit aningaasaqarnermik aqutsineq.

Suliaq pillugu ukiumoortumik naliliinermik nalunaarusiaq suliarineqartarpoq, innersuussutit saqqummiunneqartut naapigiarniarlugit.

Siunnersuutigineqassaaq, ukiumoortumik naliliinermik nalunaarusiaq Kukkuersiuisinnermut Ataatsimiititaliamut nassiunneqartaqqullugu, suliniutitut aallartitanik malitseqartitsinissami Ataatsimiititaliamit atorneqarnissaa siunertaralugu.

7.3. Namminersorlutik Oqartussat aningaasaqarnermik aqutsinera

7.3.1. Missingersuutit aamma kontonut inissitsiterineq

Aningaasaqarnermik aqutsinermi sumiluunniit kontonut pilersaarut tassaavoq tunngavissarpiaasoq. Kontonut pilersaarut periarfissiisarpooq paasiniaanermik isumatuunik aamma nalunaarusianik aqutsisut aalajangiinissaannut atugassanik suliaqarsinnaanernut. Naatsorsuuserinermik ingerlatsivimmit paasissutissanik ulluinnarni kontonut inissitsitikkaniit tusindilikkaanit ikorfaqanngitsunik pissarsiarinaneq annertoorujussuarmik suliaassartaqarpoq.

Pisortat aningaasaqarnermik aqutsinerisa pitsanngorsarneqarnerata ilaattut aalajangiunneqarpoq ERP-mik aaqqissuussamik nutaamik atulersitsinermut atasumik, pisortat ataatsimoorlutik kontonut pilersaarummik nutaamik atuutsitsilissasut.

Kontonut pilersaarut (imaluunniit eqqornerusumik kontonut pilersaarutit) ineriartortinneqarput politikkikkut suliaassaqarfinni aamma politikkikkut suliaassaqarfinni ataasiakkaani aningaasaqarnerup aaqqissuussaananeramik ersarinnerulersitsiumalluni.

Taamaattoq kontonut pilersaarummik nutaamik tunngaviusumik paasinnittaaseqarnissamik siammarteriniarneq ilungersunartuussasoq paasinarsivoq.

Tassunga pingaartumik atuuppoq allaffissornermik ingerlatsinerup aamma politikkikkut suliaassaqarfiit (siunertat) akornanni immikkoorsitsisinnaaneq – aamma kontonut pilersaarut sumut atugaanera tunngavigalugu kontonut inissitsiterinerni.

7.3.1.1. Allaffissornermik ingerlatsinerup aamma politikkikkut suliaassaqarfiit akornanni immikkoortitsineq

Allaffissornermik ingerlatsineq immiini politikkikkut suliaassaqarfiunngilaq, kisianni suliaalluni pingaarutilik politikkikkut suliaassaqarfiit ataasiakkaat ilaattut suliarineqartoq.

Allaffissornermik siunertaq taamaattumik atuuffinnut ataatsimoorussanut imaqtartussatut taamaallaat eqqarsaataasimavoq, politikkikkut suliaassaqarfinnut toqqaannartumik sammitinneqarsinnaanani.

Saniatigut nalinginnaasumik kissaatigineqartarpoq, ilisimassallugu, politikkikkut suliaassaqarfiit tamaasa akimorlugit allaffissornermik ingerlatsinermi qanoq atuisoqartarnerseq.

Aningaasartuut ataaseq politikkikkut suliaassaqarfiup ataani aamma allaffissornermik ingerlatsinerup ataani ataatsikkut nalunaarsorneqarsinnaanngilaq – taamaaliorniaraanni taanna inissitsikkani immikkoortuni marlunni nalunaarsorneqartariaqarpoq.

Soorlu Namminersorlutik Oqartussat ukiumoortumik nalunaarutaani ersertoq, aningaasartuutit arlallit missingersuutini allaffissornermik ingerlatsinertut suliarineqarsimapput, naatsorsuutinili politikkikkut suliaassaqarfiit iluanniillutik.

Peqqaataani kissaataasimavoq politikkikkut suliaassaqarfiit ataasiakkaat iluanni nukissat suut qanoq atorneqartarnerannik ersarinnerulersitsisoqassanersooq. Taanna taamaallaat anguneqarsinnaavoq

allaffissornermik ingerlatsinermi aningaasartuutit politikikkut suliassaqarfinni ataasiakkaani atukkanut ilanngunneqarnerisigut – aamma atuuffiinni ataatsimoorussani allaffissornermik ingerlatsineq allaffissornermik aningaasartuutit ataanni suliarineqartarpata.

Taamaaliornissamut pisariaqartinneqalissaaq allaffissornermik aningaasartuutit politikikkut suliassaqarfiit aamma allaffissornermik siunertat akimorlugit allatut nalilersueriaaseqarnikkut.

Piffissami matumani qulaajaanermik suliamik ingerlatsisoqarpoq pineqartunik suliamik ingerlatsinerpiaq qanoq ittuussanersoq pillugu.

7.3.1.2. Politikikkut suliassaqarfinnik ukkassineruneq

Namminersorlutik Oqartussanit toqqarneqarpoq aningaasaqarnermik aqutsinermi maannamut aningaasanut inatsimmik aaqqissuussineq pingaarnertut najoqqutaralugu ingerlatsiinnartoqassasoq.

Aningaasanut inatsit ullumikkut kontonut pilersaarutit assigiinngitsut arlallit (sumiiffik, sumut atugaanera aamma siunertaq) atorlugit katitigaavoq.

Saniatigut nalunaarutiginninneq – ilanngullugu ukiumoortumik naatsorsuutini aqutsisut nalunaarutaat – suli naalackersuisoqarfinnit suliarineqartarput (aaqqiissuussineq).

Taamaattumik Namminersorlutik Oqartussat kontomut pilersaarut nutaaq pillugu anguniakkanik namminneq naammassinninngilaq – tassa politikikkut suliassaqarfinnik annermik ukkassinissamik.

Manna tikillugu aningaasaqarnermik aqutsineq allannguuteqanngilaq – naak ERP-mik aqutsissummut aamma kontonut pilersaarummut nutaamut aningaasaliissutit ikigisassaangitsut atorneqarsimagaluartut.

7.3.1.3. Kontot sumut atugaanerat tunngavigalugit kontonut inissitsiterineq

Kontot sumut atugaanerannut pilersaarut ineriartortinneqarpoq politikikkut suliassaqarfinni ataa-siakkaani aningaasaqarnerup aaqqissuussaanaera annermik paasisimasaqarfiginiarlugu. Tassunga siunertaavoq sulianik allanngortitsinerit tunngavigalugit aningaasaqarnermut sunniutaasunik paasi-niaasinnaaneq pitsaaneruleqqullugu, ilaatigut tunuatungaani nukissanut atorneqartunut tunngavis-sat pitsanngorsarnerannik suliaqarsinnaajumalluni – aamma taakkuninnga pitsaanerpaanik akikin-nerpaanillu pissarsineq ingerlanneqarsinnaaqqullugu.

Kissaatigisaq taanna tunngavigalugu maannamut aningaasaliissutitut atuutsinneqartut arlalippas-suartigut taamannak siunnerfeqarput, kisianni kontot sumut atugaanerat tunngavigalugit inissitsite-rinermi suliassaqarfinni ataasiakkaani aningaasaqarnerup aaqqissuussaananeranut itinerusumik iliuuseqarsinnaaneq periarfissaqartinneqarpoq.

Kukkunersiuinerup ersersippaa inissitsiterineri kukkunerit suli amerlaqisut aamma kingorna inis-sitsitereqqinnerit suliarineqartartut.

Assersuutissaqarpoq isertitat aamma akiligassat suliassaqarfimmut assingusumut tunngas-suteqartut aamma Namminersorlutik Oqartussani suliassaqarfinni tamaginni assigiinngitsumik suliarineqartarnerannut.

Kontot sumut atugaanerat tunngavigalugu pilersaarutip nutaap sunniutissaatut kissaatigineqarpoq piviusunngortissallugu, kontonut inissitsiterisarnermi piginnaasat malunnaatilimmik pitsanngortinneqarnissaat.

Tassunga aammattaaq atuuppoq Namminersorlutik Oqartussat kommuninisuulli – kontot sumut atugaanerat tunngavigalugit imaluunniit eqimattakkuutaartunik (naatsorsuutini inissitsiterinerit) missingersuusiormik ingerlatsisalernissaat.

7.3.1.4. Namminersorlutik Oqartussat kommunillu iliuuseqaqatigiinnerat

Pisortat ataatsimoorussaannik kontonut pilersaarummik atulersitsinermi siunertarineqarpoq Namminersorlutik Oqartussat kommunillu aningaasanik aqutsineranni ilutsimik assigiissaakkamik atugaqalernissaq.

Naak annertungaatsiartumik suliniartoqarsimagaluartoq kontonut pilersaarutit aaqjissuussanit aaqjissuussanut assigiinngitsumik atorneqarput.

Kontonut pilersaarummik assigiissaarnerusumik atuilernissaq tapersersorniarlugu sulianik ingerlatsisoqarpoq. Kontonut pilersaarutikkut sunniutaasussat kissaatigineqartut anguneqarnissaannut suliamik tassanga nangitsineq pitsanngorsaanerlu aalajangiisuussapput.

7.3.2. Sulianik aamma aningaasanik aqutsineq

Namminersorlutik Oqartussat aningaasaqarneranik aqutsineramik ineriartortitsineq Aningaasaqarnermut Naalackersuisoqarfimmi inissisimavoq aamma tassunga ilanngullugu Aningaasaqarnermut Sulisoqarnermullu Aqutsisoqarfimmi.

Aningaasaqarnermut Naalackersuisoqarfimmi suliat pingaarnert missingersuutitut, missingersuutiniq aqutsinermut aamma nukissanik atorluaanermut tunngapput, Aningaasaqarnermut Sulisoqarnermullu aqutsisoqarfimmi suliat pingaarnertut naatsorsuuserinermut, missingersuutiniq malitseqartitsinermut aamma suliffeqarfimmi nakkutilliinermut (controlling) tunngassuteqarnerullutik.

Namminersorlutik Oqartussat aningaasaqarneranik aqutsinermi missingersuutiniq eqquutsitsineq annertuumik suli suliarineqarpoq – suliniutit aamma angusat ataqatigiinnerat annikinnerusumik.

Taamaattoq ingerlatsineramik immikkoortortanut tunngatillugu sulineq (suliamik ilinniarfiit, ulloq unnuarlu neqeroorutit, napparsimmaviit) siuarsimanagerusutut nalilerneqarpoq – assersuutigalugu sammisat pillugit kisitsisit assigiinngitsut erseqqissaatigineqarsimallutik - aqutsiveqarfinnut aamma naalackersuisoqarfimmi pissutsinut naleqqiullugit.

Amerlanngitsuinnarnik assersuutissaqarpoq suliassatut isumaqatigiissutit, piginnaassutsinut-aamma inuttaqassusissamut piunasaqaatit allaaserineqarnerisa uppernarsaatissaqarnerannut kisalu nukissat atorneqarsinnaasutut pigineqartut pillugit (suliassanut piffissaq atorneqartussaq toqqaannartoq pigineqartoq). Taamaattumik suliassat aamma nukissanik atuinerup ataqatigiinneranut uppernarsaatiniq ataasiakkaaginnarnik assersuutissaqarpoq.

Qularnanngilaq aningaasanik aqutsinerup ineriartortinneranut tassunga aallarnissamut ukiut arlallit atorneqaaqqaassasut. Taamatuttaaq paasissutissatut tunngavissat maannamit pitsaanerungaartut pisariaqartinneqassapput, tassungalu soorunami aaqjissuussamik tapertaasumik soorlu allaffissornermi nukissat amerlaneruserusut pisariaqartinneqassapput.

7.4. Anguniakkanik aamma angusanik aqutsineq

Inuiaqatigiinnut siunertat sammisamik aalajangersimasumik ingerlatsiffiusussat aallaaviatigut sulissaqarfimmut inatsisiliorneq tunngavigalugu ingerlanneqartarput.

Anguniakkanik aamma angusanik aqutsinermi pineqarput, anguniakkat taakkua aqutsisunit ulluinarni qanoq nassuiaaserneqartarnersut, taamaaliornikkut suliffeqarfik angusassanut taakkununga piviusunngortitseqqullugu aqunneqarsinnaaqqullugu – aamma anguniakkatut inissinneqartut anguneqaqqullugit qanoq malitseqartitsisoqartarnersoq.

Suliaq taanna ullumikkut inuit ataasiakkaat iliuuseqarnerannit sunnersimaneqarpoq (periusissiaqarluni ingerlatsisinnaanerup paarlattuanik). Taassuma nassataanik aqutsisut ataasiakkaat piginnaasaat aamma soqutiginninnerat apequtaasarput.

Qularnanngilaq aningaasanik aqutsinerup ineriartortinneranut tassunga aallarnissamut ukiut arlallit atorneqaqqaassasut.

Taamatuttaaq paasissutissatut tunngavissat maannamit pitsaanerungaartut pisariaqartinneqassaput, tassungalu soorunami aaqqissuussaq tapertaasoq soorlu allaffissornermi nukissat amerlanerit pisariaqartinneqarnerat aamma ilaapput.

Sunniutit nalilernerannik suliaq pingaartumik piginnaasanik ullumikkut suliffeqarfimmi immikkoortuni amerlanerpaani pigineqartunit allaanerusumik piumasaqaatitaqarmat, naliliisoqarpoq, piginnaangorsaaqqinnermik pilersaarummik ingerlatsineramik annerusumik pisariaqartitsisoqassasoq.

7.5. Pisortat pisiniartarnerannik aqutsineq

Aningaasaqarnermut Sulisoqarnermullu Aqutsiveqarfimmi pisiniartarnermut allaffik pilersinneqarpoq. Immikkoortumi pisiniarnermi isumaqatigiissutinik pilersitsisoqarsinnaaneranut periarfissat missisorneqartarput, soorlu immikkoortumit neqerooruteqartitsinermik ingerlatsinerit ingerlanneqartarput imaluunniit siunnersuusiorfigineqartarput.

Napparsimmaveqarfinnut isumaqatigiissutinik pilersitsisoqarpoq, taakkua nassataannik napparsimmaviit Danmarkimi napparsimmaviit immikkoortuinut pisiniarnermut isumaqatigiissutinik pilersitsipput.

Manna tikillugu atortussanik amerlasuunik peqanngilaq, Namminersorlutik Oqartussat pisiaasa qanoq annertutigisortaat neqerooruteqartitsinermik ingerlatsiffiusinnaanerat (annertussutsit aamma periarfissat) pillugit, taakkunanga qanoq amerlatigisut maannamut isumaqatigiissutinik matussuserneqarsimasut aamma isumaqatigiissutit qanoq annertutigisumik eqquutsitsinerat, tamanna Namminersorlutik Oqartussani pisiniarnermik akisussaasunit ersersinneqartussaavoq.

Taamaattoq Aningaasaqarnermut Sulisoqarnermullu Aqutsisoqarfik naliliivoq sulissaqarfik taanna pillugu periarfissarujussuarmik atorluarneqarsinnaasumik peqartoq.

7.6. Ukiuni arlalinni aningaasaliiffigisassatut suliniutit missingersuutaannik aqutsineq

Namminersorlutik Oqartussat ataavartumik aningaasaliiffigisassatut suliniutinik angisuunik ukiunilu arlalinni ingerlanneqartussanik suliaqartarpoq. Taakkua Sanaartornermut Iluarsartuussinermullu aningaasaateqarfiup sinaakkutissaasa iluanni aqunneqarput.

Sanaartornermut Iluarsartuussinermullu aningaasaateqarfik naatsorsuuserinermi teknikkikkut aningaasaateqarfiuvoq, aningaasaliissutitut akuersissutigineqartut saqqummilaartinneqarnerannut sunniuteqaqataavoq, aningaasat suliniutinut aalajangiiffigineqareersunut sulii atorneqanngitsunut.

Siornatigut Sanaartornermut Iluarsartuussinermullu aningaasaateqarfik misissuineramik ingerlatsiffigaarput, tassani inernilunneqarluni Aningaasaateqarfik sanaartornermik suliniutit siuarsarneqarnerisa saqqummilaartinneqarnerannik sakkussaasoq pitsaasoq.

Aningaasaateqarfimmi aningaasaatit uninngatinneqarnerannut pissutaasut Aningaasaateqarfimmut akuttusuumiinnaq innersuunneqarsinnaasarput – kisianni Aningaasaateqarfiup ajornartorsiutit saqqummersittarsimavai.

Aningaasaliinernik ukiunik arlalinnik sivissusulinnik suliaqarneq pitsanngorsarneqarpoq, suliasaqarfimmut pilersaarutit aamma nuna tamakkerlugu pilersaarusernerup aaqqissuussaanagerup eqqunneqarnerisigut. Suliniutit aallaaviatigut Aningaasanut Inatsit aqutugalugu taamaallaat akuersissutigineqartalissapput, suliniut suliasaqarfimmut pilersaarutinik suliaqarnerup iluaniissimappat aamma sanaartugassatut pingaarnersiorneqarsimappat.

Tamatuma kinguneratigut suliniutit aningaasaliiffigineqartut anginerit ingerlanneqarlutik naammasineqarnerannut qularnanngitsumik iluaqqutaassagunarpoq.

Suliniutit ingerlaavartut naammassineqarnissaannut aningaasaliiffigineqarlutik tapertat, suliniutinut ilutsit assigiinngitsut ineriartortinneqarsimapput, taamaattoq atorneqarnerat assigiinngisitaarlutik.

7.7. Pisortat tapiissutaannik aqutsineq

Allaffissornermik immikkoortorpaq annertuumik akisussaatinneqarpoq Namminersorlutik Oqartussat tapiissutinik aaqqissuussaanic ingerlatsineranut, tassannga tapiissutit allaffissornerannut periusissat aalajangersorneqartarput.

Suliasaqarfimmi amerlanerpaani qinnuteqaatinik ingerlatseriaatsit, tunniussisarnermi ingerlatseriaatsit aamma killissarititaasut tamakkiisumik allaaserineqarsimapput, taamatullu malitseqartitsinerit aamma tapiissutinik pissarsisut nalunaaruteqartarnerannut tunngasut.

Suliasaqarfiit ilaanni suliniutigineqarsimavoq tapiissutit kissaatigisatut sunniuteqarnerannik malittarinninnissaq, sulialli killiffia sulii atuutsitilersinniarneqarfimmiippoq.

8. Ingerlatsinermik kukkunersi-uilluni misissuinerit angisuut

Misissuisitsinerit angisuut Kukkunersiuinermut Ataatsimiititaliamit imaluunniit Naalakkersuisunut ilaasortanit aallartinneqartarput.

Misissuinerit angisuut pilersaarusiorneqartarput misissuinerimi sammisassaq aalajangersimasoq aallaavigalugu, taakkunani ilanngunneqarlutik aningaasaqarnermut aamma inatsisinut tunngasut.

Sammisassat Kukkunersiuinermut Ataatsimiititaliamit imaluunniit Naalakkersuisunut ilaasortanit siunnersuutigineqarsinnaapput, soorlu Deloitte avataanit kukkunersiuisutut nammineq sammisassanik siunnersuuteqarsinnaasartoq.

8.1. Misissuinerit anginerit Kukkunersiuinermut Ataatsimiititaliamit inniminnerneqartut

Kukkunersiuinermut Ataatsimiititaliamit takujumaneqarpoq, 2019 aallarnerfigalugu Namminersorlutik Oqartussat ataanni ingerlatsivimmud toqqakkamut tunngasumik ingerlatsineq pillugu kukkunersiuisut misissuinerannik angisuumik ingerlatsisoqartassasoq.

Ingerlatsineq pillugu kukkunersiuinermi siunertaavoq qulaajassallugu ineriartortitsinermut periarfissaasinnaasut kiisalu suliamik pitsaasumik ingerlatsinerup pingaartinneqarnerulersinnaanera.

Kukkunersiuinermut Ataatsimiititaliamit toqqarneqarpoq uagut qinnuigissalluta Aalisarnermi suliasaqarfimmi Aalisarnermi pisassanik tunniussisarneq pisassanillu agguaassisarnermik ingerlatsisarneq misissuinerimik angisuumik ingerlatsiffigeqqullugu.

Misissuinerup inernerit septemberip qaammataani (immikkoortoq 1) aamma novemberip qaammataani (immikkoortoq 2) nalunaarutiginninnermik saqqummiussissutigineqarput.

Nalunaarusiat innersuussutinik arlalinnik imaqarput, taakkua naalakkersuisoqarfimmit allakkiami immikkut ittumi oqaasertaliussanik oqaaseqarfigai.

8.2. Naalackersuisunut ilaasortamit misissuinerit anginerit inniminnerneqartut

Aalisarnermut, Piniarnermut Nunalerinermullu Naalackersuisoqarfimmit 2020-p naanerani qinnuigineqarpugut naalackersuisoqarfiup tapiissutitut- aamma taarsigassarsitsinermik allaffissornermik ingerlatsinera pillugu misissueqqulluta – sionatigut Naalackersuisunut ilaasortaasimasut qinnuteqaataasa suliarineqarnerannik pingaernerutillugit.

Misissuinermit paasisat apriliip qaammataani 2021 nalunaarusiakut saqqummiunneqarput, kisianni nalunaarusiaq suli oqaluuserineqarsimanngilaq.

8.2.1. Nunap Karsiata Kukkunersiuisunit allaasunit misissuinerimik suliaat

Namminersorlutik Oqartussani siunnersortinik atuiueq aamma taakkua sullissinerannik pisiniartarneq pillugu suliffeqarfimmit namminermi misissuinermit nalunaarusiaq tiguarput misissorlugulu.

Siunnersortinik atuinermi pilersaarusiornerulluni periuseqarnissamut nalunaarusiami innersuusutaasut, isumaqatigisinnaavagut.

9. Pisortat ingerlatsiviutaannik nammineertitanik kukkunersiuineq

Pisortat ingerlatsiviutai nammineertitat tassaapput Namminersorlutik Oqartussat inatsilerinermut immikkoortortaqrifiata ilaanniittut. Pisortat ingerlatsiviutai nammineertitat ukiumoortumik naatsorsuutaat, Namminersorlutik Oqartussat ukiumoortumik naatsorsuutaasa katinnerannut ilaapput.

Pisortat ingerlatsiviutai nammineertitat tassaapput:

- Inuusutissarsionermik ilinniarfiit
- Ilisimatusarfik

Ingerlatsiviit taakkua nammineq ingerlatsinermut siulersuisoqarmata, taakkua ingerlatsinermut naatsorsuutininik aamma namminneq saqqummiussisarput, kukkunersiuunit uppersaaserneqartartunik.

Immikkoortunik taakkuninga kukkunersiuineq kinguaattoorpoq, ERP-mik aqqissuussamik nutaamik atulersitsinermi unammilligassaasut kingunerannik.

10. Suliffeqarfiit nammineertitat kukkунersiorneqarnerat

Suliffeqarfiit nammineertitat tassaapput Namminersorlutik Oqartussat inatsisilerinermut immik-koortortaqaafiata ilaanniittut aamma tassaallutik suliffeqarfiit:

- Nukissiorfiit
- Mittarfeqarfiit
- Asiaq

Suliffeqarfiit nammineertitat Namminersorlutik Oqartussat ukiumoortumik naatsorsuutaannut ilaangillat, namminerisamik ukiumoortumik naatsorsuutininik saqqummiussisarput.

Kukkunersiuisut nangaassuteqarnatik uppersaapput, aamma suliffeqarfiit pingasuusut tamarmik ukiumoortumik naatsorsuutaat pillugit ilanngussatut paasissutissanik saqqummiussisoqarpoq.

Ingerlatsiviit 2020-mi ukiumoortumik naatsorsuutaat pillugit kukkunersiuisut oqaaseqaataat innersuussutigineqarput.

11. Ingerlatseqatigiiffinnik kukkuner- nersiueq

Namminersorlutik Oqartussat pigisaasa pingaarutillit ilaat immikkoortortani namminneq inatsiseqartuni inissisimapput – pingaartumik piginneqatigiiffinni.

Piginneqatigiiffiit, piginneqatigiiffiit pillugit inatsisit ataanniipput aamma Namminersorlutik Oqartussat piginneqatigiiffinnik taakkuninnga aqutsisinnaaneranun periarfiarfissat siulersuisutut toqqakkat aqqutigalugit ingerlapput.

Namminersorlutik Oqartussat "Namminersorlutik Oqartussat ingerlatsiviutaanni Ingerlatsivinnut pitsaasumik aqutsineq pillugu najoqqutassat" akuersissutiginikuuaat, soorlu Namminersorlutik Oqartussat ingerlatsiviutaat pillugit ukiumoortumik nalunaarusiamik Inatsisartunut saqummiunneqartussamik suliaqartoqartartoq.

Nalunaarusiaq kingulleq 2020-meersoq ingerlatseqatigiiffiit 2019-imi naatsorsuutaannik imalik pissarsiaarput misissorlugulu.

Ingerlatsivinnut malittarisassat Namminersorlutik Oqartussanut atuutsinneqanngillat, aamma taamaattumik ingerlatsivittut piginnittutut nalunaarsugaanani. Taamaattumik aamma suliffeqarfisuarput naatsorsuutini suliaqartoqarneq ajorpoq.

Ingerlatsiviit ukiumoortumik nalunaarutaat kukkuner-nersiuermik ingerlatseqatigiiffinnit assigiinngitsunit kukkuner-nersiueqartarput.

Ukiumoortumik nalunaarutit pissarsiarineqarsinnaasut kingulliit pissarsiarisimavagut, ukiumoortumik nalunaarutini aqutsisut nalunaarutaat kukkuner-nersiuisut uppenarsaanerannik erseqqissaatitaqannginnerat imaluunniit isorinnilluni oqaaseqaatitaqannginnerat nakkutilliiffigalugit.

12. Paasissutissat allat

12.1. Pisortat uppersaanerat ukiumoortumillu naatsorsuutini kukkunerit iluarsineqarsimangitsut

Immikkoortunik kukkunerisioruminaatsunik kukkunerisuiunitsinnut atasumiku Aningaasaqarnermut Naalackersuisoqarfimmi aqutsisut ukiumoortumik naatsorsuutit pillugit uagutsinnut uppersaapput.

Kukkunerisuiinermi malittarisassat nunat tamat akornanni atuuttut malillugit pisussaavugut ukiumoortumik naatsorsuutini kukkunerit iluarsineqarsimangitsut pillugit paasissutissiissalluta.

Taamatut paasissutissiisoqassaaq Inatsisartut aamma Kukkunerisuiinermut Ataatsimiititaliaq tamanna pillugu ilisimatinneqarnissaat qulakkeerniarlugu.

2020-mi ukiumoortumik naatsorsuutini kukkunernik imaluunniit amigaatinik malunnaatilinnik naammattuuisoqarsimangilaq.

12.2. Suliat allat

Suliat siunnersuinermit ikiorsiinernullu tunngasut akuerinnginneranni ataasiakkaani tamani qulakkeeqqaarparput suliasat Namminersorlutik Oqartussanut kukkunerisuisutut uppersaalluta isumaginninitsinnik arlaannaannilluunniit kiffaangissuseqarnitsinnik qulalersitsisinaanersunik peqarnersoq.

2019-imi kukkunerisuisutut nalunaarummik ulloq 3. juuli 2020 tunniussinitta kingorna, uppersaanermik suliasat tulliuttut uku suliaaavut:

- Aalisarnermut, Piniarnermut Nunalerinermullu Naalackersuisoqarfimmi akuersissutinik tunniussisarnermik allaffissornermik ingerlatsineq pillugu itisiliilluni kukkunerisuiinermik ingerlatsineq
- Aalisarnermut, Piniarnermut Nunalerinermullu Naalackersuisoqarfimmi tapiissutitut- aamma taarsigassarsianik tunniussisarnermik allaffissornermik ingerlatsineq pillugu itisiliilluni kukkunerisuiinermik ingerlatsineq

13. Uppernarsaaneq

Inatsisit naapertorlugit matumuuna uppersarsassavarput, inatsisit naapertorlugit arlaannaannulluunniit attuumassuteqartussaanninnermik piunasaqaatit naammassigatsigik8, aamma kukkurersiunerup nalaani paasissutissat qinnutigisimasavut tamaasa pissarsiarisimagatsigik.

Nuuk, ulloq 21. maaji 2021

Deloitte

Statsautoriseret Revisionspartnerselskab



Bo Colbe

statsautoriseret revisor



Thomas Hermann

statsautoriseret revisor

Ilanngussaq 1 – Kukkuersiunerup siunertaa, ingerlanneqarnera, annertussusia kiisalu akisussaaffinnik agguataarineq

Kukkuersiunerup siunertaa annertussusialu

Kukkuersiunerup siunertaraa ukiumoortumik naatsorsuutit uppernassusiannik qulakkeerinninnsaq, aammattaaq uagut akisussaaffigaarput naatsorsuutit malunnaatilimmik kukkuneqannginnissaat amigaateqannginnissaallu misissussallugit, naatsorsuutillu tunniunneqarneranni aningaasat atugasarititaasut aningaasaliissutaasimasunut, Inatsisartut aalajangiiffigisimasaannut allanut, inatsisinut najoqqutassianullu allanut kiisalu isumaqatigiissutaasimasut suleriaatsillu naliginnaasut, tassunga aamma ilanngullugit Namminersorlutik Oqartussat naatsorsuuserinermi periusiat aamma nakkutillinermi atuutsinneqartut ilanngullugit naleqquttuussusanik nakkutilliissalluta.

Ukiumoortumik naatsorsuutini kukkuersiuneq ingerlanneqarpoq kukkuersiuneq pillugu nunani tamalaani najoqqutassat aamma nunatsinni kukkuersiuisunut inatsimmi piumasaqaatit ilanngullugit Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik naapertorlugu.

Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersup akuerineqarneranut atatillugu pinngitsoorani Namminersorlutik Oqartussat kukkuersiorneqarneranni Pisortat Naatsorsuutaannik Kukkuersiunerimi Ileqqorissaarnissaq naapertorlugu ingerlatsisoqassasoq, taanna Pisortat Naatsorsuutaannik Kukkuersiunerimi Ileqqussani (SOR) erseqqissarneqarpoq.

Tamassuma nassataanik – ukiumoortumik naatsorsuutit eqqortuunnerannik aningaasaqarnikkut kukkuersiunerimik ingerlatsinerup saniatigut aamma ingerlatsinerimik kukkuersiunerimik suli-aqartoqartassasoq soorlu inatsisit atortinneqarnerannik kukkuersiuneq (inatsisit malittarisassallu malinneqarnerannik nakkutiginninneq) siornatigut suliaasartumit annertunerulerpoq, siornatigut kukkuersiuneq kukkuersiuisut ileqqorissaarnissaat naapertorlugu taamaallaat ingerlanneqartarpoq.

Kukkuersiunerimut aallaavittut aarlerinaataasinnaasunik aaqjissuussaasumik naliliinermik ingerlatsivugut, taamaaliornikkut naatsorsuutini inissitsikkat pingaarnepaatut isigineqarlutik, aamma namminersorlutik oqartussat naatsorsuuserinermik aamma nalunaaruteqarnermik aaqjissuussaanut taamatullu suliamik ingerlatseriaasiannut allanut, kukkuluttornissamut aarlerinaatit annerpaartaannik isiginninniarluta. Kukkuersiunerimi siunertaanngilaq, kukkunernik soqutaanngitsunik ukiumullu naatsorsuutit ataatsimut naliliiffigineqarnerannik allannguisussaannngitsunik nassaarniarnissaq iluarsiinissarluunniit.

Nalornissutaasinnaasunik naliliiniarnitsinni tunngavissaraagut paasissutissat pissarsiariniarnissasagut, ilaatigut pissutsinut makkununga atuuttunut tunngasut:

- Inatsisit attuumassuteqartut pissutsillu allat avataaneersuneersut
- Suli at naatsorsuusioriaaserlu atorneqartoq
- Anguniakkat, periusissatut aalajangiussat niueqatigiinnermullu tunngasuni nalornissutaasinnaasut
- Sulinermit periutsit aamma Namminersorlutilu Oqartussat iluani nammineq nakkutilliineq
- Allaffissornikkut aaqqissuussineq, pilersuisinnaassuseq piginnaasallu.

Kukkunersiuneq pingaarnertut ingerlanneqartarpoq namminersorlutik oqartussani kukkunernik amigaatinillu pingaarutilinnik naaperiaaniarluni nakkutilliinertut nammineq aaqqissuussinerannik misileraalluni. Nakkutilliinerit tassaasinnaapput aaqqissuussaaneermik imaluunniit elektroniskimik namminerluunniit nakkutilliissutinik misilittaanerit. Taamaattumik it-mik atugaqarneq Nunap Karsiata ukiumoortumik naatsorsuutaanut qanoq sunnuteqarnerisooq misissorsimavarput.

Taamatuttaaq kukkunersiuneq naatsorsuinermit misissueqqissaaneermik imaqarpoq, kiisalu aningaasaliissutit atuinerillu akornanni nikingassutit pingaarutilit pillugit nassuiaatit nalilersorneqarlutik.

Kukkunersiuneq taamaallaat ilanngussanik nuussinernillu pisariaqartutut nalilersimasatsinnik misissuinermit imaqarpoq - imaluunniit malittarisassat immikkut ittut malequneqarnerat naapertorlugit ingerlanneqarluni.

Ukiumoortumik naatsorsuutini kukkunerit pingaarutilit iliutsini ilaginnaanernilu piaarinani piaaraluniluunniit pisimasuusinnaapput. Pingaarutilitsigut kukkunernik pinngitsoortitsinissamat periarfissat, tassunga ilanngullugit peqquserlunnerit innarliinerillu, siullertut pingaarnertullu nalunaarsuisarnermut systeminik sulinermit periutsinik aaqqissuussinerit aqutugalugit suliffeqarfiup iluani nakkutilliinerup tutsuigartuunissaanik qulakkeerinnissutaasussaapput.

Kukkunersiuinitta ingerlannerani suliassaqarfitta iluanni qularneq pisarialik atorlugu pissutsinik malussarniartussaavugut taamalu peqquserluttuliornerit innarliinerilluunniit allat maluginiartussaallutigit. Kukkunersiuinitsinni makkua oqallisigisimavagut:

- peqquserlunneq pissutigalugu ukiumoortumik naatsorsuutit pingaarutilinnik kukkuneqarsinnaanerannut aqutsisut naliliinerat
- aarlerinaataasinnaasut taamaattut pinaveersaartinniarlugit naatsorsuuserinermit nakkutilliinermillu aaqqissuussinerit aqutsisunit atuutsinneqartut pillugit aqutsisut naliliinerat
- peqquserluteqarsimaneq pillugu imaluunniit peqquserluttoqarsimaneerit pasitsaassaqarneq tunngavigalugu aqutsisut ilisimasaannik nalilinerit.

Kukkunerit kukkunersiuinermi maluginngitsoorneqarsinnaapput, kukkunerit taamaattut isertorniarneqartarmata isertuunneqarlutilluunniit. Pissutsinik taamaattoqarneranik ilimatsaatsitsisunik naammattuugutta suliffeqarfimmi aqutsisut qanimut isumaqatigiissuteqarfigalugit ilimatsaassaq eqqortuunersooq tunngavissaqannginnerlorluunniit paasiniallugu sukumiinerusumik misissuinerit ingerlatsisussaavugut.

Kukkunersiunerup ingerlanneqarnera

Ukiup ingerlanerani aamma ukiup naanerani kukkunersiuinermik ingerlatsivugut. Kukkunersiuneq aatsaat naammassineqassaaq kukkunersiuinermik atsiarluta uppersaanitsigut.

Ukiumoortumik naatsorsuutiniq suliaqarnitta annertussusia aalajangerneqartarpoq taakkununga malunnaatilimmik kukkusoqarsinnaaneraniq ataatsimut naliliineq aallaavigalugu.

Kukkunersiuneq ingerlanneqarpoq uppersaatsissatut misiliutiniq tiguisarluni nakkutilliinikkut – imaluunniit naatsorsuutini atukkat eqqortuussusiannik uagut allatut uppersaanitsivut, soorlu misiliutiniq tiguisarluta uagut uppersasinneqartartugut naatsorsuuserinermik maleruaqqusat malinneqarnerannik innersuutit, uppersaanerit akiliinissanullu ileqqoreqqusat malinneqarsimanerat pillugit.

Aningaasaliissutit naatsorsuutaat Inatsisartut aningaasaliissutaannut aamma ilassutitut aningaasaliissutaannut naligiissitsinermik ingerlatsivugut, malunnaatilinnik nikingassuteqartut suliffeqarfinni aqutsiveqarfinnulluunniit attuumassuteqartunut naatsorsuuserinermi uppersaatit misissorlugit, nikingassutit tunngavissaqarnerannik nakkutilliilluta.

Kukkunersiuinikkut uagut nammineq uppersasisippugut, namminersorlutik oqartussanit aningaasaqarnermi pigineqartut nalunaarsorsimassut ilumut pigineqarnerat aamma naatsorsuuserinermi periutsit atuuttut naapertorlugit taakkua nalilersorneqarsimasut. Aammattaaq nalilerparput, akiitsutigut pisussaaffiit, namminersorlutik oqartussanit pisussaaffigineqartut ilanngunneqarlutik illersorsinnaasumik uuttorneqarsimanerat, kiisalu naatsorsuutini inissitsikkat eqqortumik piffissalersugaasimasut ukiumullu naatsorsuutini eqqortumik inissitsiterneqarsimanerat.

Misissorparput, ulloq kukkunersiuisut uppersaammik atsiernerisa kingorna pissutsit pingaarutillit tamarmik ukiumoortumik naatsorsuutini eqqortumik ilanngunneqarsimanerat.

Ukiumoortumik naatsorsuutiniq kukkunersiuinitsinnut atatillugu kukkunersiuinermi ileqqorissaarnisaq malillugu, paasissutissat arlaallit pingaartumik immikkoortuni kukkuneriuminaatsunut tunngasut pillugit Aningaasaqarnermut naalakkersuisoqarfimmik oqaloqateqartarput. Tamakku tassaa-sinnaapput paasissutissat pisussaaffiusinnaasunut tunngasut, soorlu taarsigassarsinermi sallunaveeqqusiinerit, qularnaveeqqusiinerit, eqqartuussivikkut suliaasiissutit peqquserlunnerillu, avatangiisinit tunngasut pisimasulluunniit ullup oqimaaqatigiissitsiffiusup naatsorsuutinillu inissitsiteriffiusup kingorna saqqummersut, immikkut ittumik nalorninartorsiortitsinngikkunik qularnartoqarsinnaasut.

Ukiumoortumik naatsorsuutit ataatsimut isigalugit nalilersimavagut, tassunga aamma ilanngullugu namminersorlutik oqartussani naatsorsuineri ileqqoq atuutsinneqartoq paasissutissanik naammattumik tunniussinersoq.

Kukkunersiuisup nalunaarusiornera

Ukiumoortumik naatsorsuutiniq kukkunersiuiunerup naammassinerani suliaq kukkunersiuisumit uppersarneqassaaq. Kukkunersiuisup uppersaanera oqaaseqaatitaqanngippat imaluunniit paasissutissanik ilanngussartaqanngippat, ima paasineqassaaq:

- Ukiumoortumik naatsorsuutit saqqummiunneqartut kukkunerisiorneqartullu naatsorsuuserinermik maleruaqqusat naapertorlugit suliarineqarsimasut
- Ukiumoortumik naatsorsuutit Namminersorlutik Oqartussat pigisaannik akiligassaannik, aningaasanik kaaviaartitsineraniq, aningaasaqarnermi inissisimaneranik aamma Namminersorlutik Oqartussat pigisai aallaavigalugit angusat pillugit eqqortumik takutitsinermik tunngaveqartut

- Suleriaatsinik aamma illup iluani nakkutilliinermik pilersitsisoqarsimanera ukiumoortumik naatsorsuutitut ilanngunneqarsimasunut tapertaasussatut, taakkua aningaasaliissutigineqartunut naapertuunnerat, Inatsisartut aalajangiussaannut allanut, inatsisinut aamma najoqqutassianut allanut kiisalu isumaqatigiissutaasimasunut taamatullu ingerlatsinermut nalinginnaasumut.

Kukkunersiuinerup naammassineranut atatillugu, kukkunersiuisut ukiumoortumik naatsorsuutit pil-lugit nalunaarutaanni, naatsorsuuserinermi kukkunersiuinermilu pingaaruteqarnerpaat nassuiaa-teqarfigissavagut kiisalu kukkunersiuinermik suliarput tunuliaqutaralugu inerniliissaagut. Ukiumoo-rtumik naatsorsuutitik kukkunersiuinitsinni immikkut erseqqissaatit, nalunaarutit assigisaallunniit uagutsinnut tunniunneqarsimappata, uagut paasinnittaaserput naapertorlugu ukiumoortumik naats-orsuutitut pingaaruteqarsinnaasorisavut pillugut kukkunersiuisutut oqaaseqaammik tamanna erseqqissaatigissavarput.

Ilanngullugu ukiup ingerlanerani kukkunersiuisut oqaaseqaataannik tunniussissaagut kukkunersiu-i-nermik suliamik ingerlatsisimagutta immikkut inerniliinissamik tunngavissaqarsorisatsinnik imaluun-niit tamanna pisariaqartutut isigigaangatsigu.

Kukkunersiuinermut atatillugu naatsorsuuserinermik aamma nalunaarsueriaatsini, Namminersorlutik Oqartussat nammineq nakkutilliissutaanni imaluunniit niuerneramik ingerlatseriaatsini assigisaannil-luunniit sanngeeqqutinik imaluunniit amigaatinik naapertuutinngitsunilluunniit paasisaqarutta, tamanna Namminersorlutik Oqartussanut ilisimatitsissutigineqassaaq ikiorsiisinaanitsinnik siun-nersuummik ilallugu. Amigaatit malunnaatillit pineqarpata imaluunniit uagut kissaatiginartikkutsigu pissutsit kukkunersiuisut nalunaarutaanni ilanngunneqassapput. Erseqqissaatigiumavarputtaa q-ki-umoortumik naatsorsuutitik kukkunersiuinermi sanngeequtaasinnaasut, amigaataasinnaasut imaluunniit naapertuutinngitsut Namminersorlutik Oqartussat naatsorsuueriaasiani nalunaarsueriaa-sianiittulluunniit kukkunersiuinermik pilersaarusiornermi tamaasa nassaarinarlugit siunertarineqar-tanngimmat.

Kukkunersiuinerup ingerlanerani pissutsinik ilisimasaqalissagaluarutta tunngavissalimmik pasitsan-nartoqarneranik, qullersaqarfimmi ilaasortat ilaannik taarsiisussaataitanermik pineqaatissinneqarsin-naanermilluunniit akisussaataalersinnaasunik, inatsisit naapertorlugit kukkunersiuisut oqaaseqaa-taanni paasissutissanik ilanngussisussaataavugut.

Uagut kukkunersiuisutut nipangersimasussaataavugut tamatumalu nassataanik kukkunersiuinerup nalaani paasissutissanik allanut oqaatigeqqusaanngitsunik paasisaqassagaluarutta ingerlatitseqqis-sinnaanata. Taamaattoq nipangersimasussaataanerup taassuma iluaniinngillat paasissutissat inatsisit, eqqartuussiviit, isumaqatigiinniartitsisartulluunniit aalajangiussaata imaluunniit pisortat sin-nerlugit nakkutilliinermik imaluunniit nammineq inatsisaatsuliornissamut illersorniarluni paasissutis-sat saqqummiunneqarnissaannik pisariaqartutut nalilerneqartut.

Allamik isumaqatigiissuteqartoqarsimangippat Namminersorlutik Oqartussanut attaveqarnerput elektroniskimik ingerlavoq, tamanna naapertuuttut isigineqartillugu. Taamaattoq internetti atorlugu attaveqatigiinnerup aarlerinaatigaa, paasissutissat isertuunneqartussat paasissutissiivigineqartu-mullu naatsorsuussat allanit atuarneqaratarsinnaanerat. Taamaattumik attaveqatigiinneq internetti aqqutigalugu ingerlanneqarsimatillugu ajoqqusiisimasinnaanerit akisussaafigisinnaanngilagut, soorlu paarlattuanik Namminersorlutik Oqartussat assingusumik akisussaatilersinnaanatigit.

Akisussaaffiup avinneqarsimanera

Inatsisit malillugit kukkunersiuinermi ukiumoortumik naatsorsuutitut tunngatillugu Namminersorlutik Oqartussani aqutsisut kukkunersiuisullu akornanni akisussaaffeqarneq imatut agguataarneqarsimavoq:

Aqutsisut akisussaaffiat

Aqutsisut akisussaaffigaat Namminersorlutik Oqartussat naatsorsuuserinissaat inatsisini malittarissat taakkununga atuuttut malillugit, pigisanillu aqutsinerup tutsuiginartumik nakkutigineqarnissaa, ilaatigut suliffeqarfiup iluani nakkutilliinermut systeminik tutsuiginartunik pilersitsinikkut, Namminersorlutik Oqartussat naatsorsuuserinissaa pigisanillu aqutsinerup naammaginartumik nakkutigineqarnissaa, kiisalu kukkunersiuinermi tunngavissaq pisariaqartinneqartup piunissaa qulakkeerneqaqqullugu.

Aqutsisut akisussaaffigaat sulinermi periutsit kiisalu nalunaarsuinermi nakkutilliinermilu aqqissuussat siunertamut tulluartut atorlugit ingerlatsinerup isumannaatsuunissaanik qulakkeerinneq, piaaraluni piaarinaatsoornikkulluunniit kukkunerit pitsaaliorneqarlutillu paasineqarnissaat kiisalu iluarsineqarnissaat siunertaralugit.

Aqutsisut aamma akisussaaffigaat ukiut tamaasa ukiumoortumik naatsorsuuserinissaaq, naatsorsuuserinermi aalajangersakkat inatsisillu naatsorsuuserinermut nalunaarummi allassimasut malillugit ingerlatsisoqarneranut. Aamma aqutsisut akisussaaffigaat kukkunersiuisup paasissutissanik tamanik kukkunersiuinermi suliassat aqqinnissaannut pisariaqartinneqartunik pissarsisinnaanerat. Taanna aningaasaqarnermi paasissutissanut soorlutaaq paasissutissanut allanut atuuppoq.

Kukkunersiuisup akisussaaffia

Kukkunersiuisut akisussaaffigaat nakkulliiffigissallugu, ukiumoortumik naatsorsuutitut naatsorsuuserinermik maleruaqqusat naapertorlugit ingerlatsisoqarnerisoq, ilanngullugu naatsorsuuserinermik ingerlatseriaaseq atorneqartoq aamma qullersat paasissutissatut tunniussaat aamma naatsorsuuserinermik nalilersuinerannik nakkutilliissallutik. Uagut aamma akisussaaffigaarput nakkutigissallugu, ukiumoortumik naatsorsuutitut kukkunernik malunnaatilinnik imaqannginnissaat aamma qullersaqarfiup nalunaarutaanni paasissutissat ukiumoortumik naatsorsuutitut naapertuunnissaat.

Kukkunersiuinermut inatsit naapertorlugu kukkunersiuisoq inuiaqatigiit sinniisaattut inississaaq uppernarsaalluni atsiornermi atatilillugu, inatsisit naapertorlugit piunarsaqaataasoq aallaavigalugu imaluunniit akisussaaffimmik tunniussisup kisimiilluni atugassaattut naatsorsuunneqarsimanngikkuni. Tamatuma nassataraa uppernarsaanermik tunniussinitsinnut atatilillugu naatsorsuutitut atuisut allat eqqarsaatigissagivut Inatsisartut aamma Kukkunersiuinermik Ataatsimiititaliap soqutigisaat kisiisa aallaaviginagit.

Ingerlatsivimmi aqutsisunik isumaqatigiissuteqarnikkut siunnersuinermik ikiunnermillu suli-aqarsimagutta siunnersuisutut tamanna nammineerluta akisussaaffigissavarput.

Kukkunersiuisup uppernarsaatitut atugai

Sulinermi pappiararsuutitut allatulluunniit uppernarsaatit, taakkununga ilanngullugit pappiaqqat elektroniskiusut tigussaasullu kukkunersiuinerup ingerlanerani pissarsiarineqartut Deloittemit kisimik pigineqarput. Ingerlatsinermi ileqqusut naapertorlugit uppernarsaanerit taamaattut ukiut tallimat qaangiukkaangata aserorterneqarsinnaapput nungusagaallutilluunniit, uppernarsaatit kukkunersiuinermi pingaaruteqarsinnaanerat allatut nalilerneqarsimanngippat.

Naapertuuttut isigineqarpat pappiaqqat fil-illuunniit Namminersorlutik Oqartussanut tunniunneqarsinnaapput, taamannak pisoqassappat piunasaqaatigineqassalluni Namminersorlutik Oqartussanit kisimi atortussatut atorineqassasut allanullu ingerlateqqinneqassanngitsut.

Pappiaqqat tunniunneqartut pillugit Namminersorlutik Oqartussanit atorineqassagaluarpata tassunga akisussaatinneqarsinnaanngilagut, pappiaqqat tunniunneqartut pillugit ikiunnermik aamma tassunga tunngatillugu akisussaanerput pillugu immikkut atsiukkamik isumaqatigiissuteqartoqarsimattinnagu.

Kukkunersiuinerup pitsaassusaanik qulakkeerinnineq

Kukkunersiuinermut inatsit naapertorlugu pitsaassutsip nakkutilliiffigineqarnissaanut pisussaaffiup iluaniippugut taanna Revisortilsynemit ingerlanneqartarpoq, taakkualu Erhvervsstyrelsimit pilersinneqarsimapput. Pitsaassutsimik nakkutilliisussat Revisortilsynimit toqqarneqartarput.

Tamatuma nassataanik uagut suliatsinnik uppernarsaatiniq misilitassanik tigusilluni pitsaassuseq nakkutilliivigineqarsinnaavoq.

Revisortilsyn-imi ilaasortat aamma inuit pitsaassutsimik nakkutilliisut nipangersimasussaataapput.

Siunnersuinermik, ikiunnermik allanillu suliat

Immikkut ittunik assigisaannillu uppernarsaanerit pillugit isumaqatigiissuteqartoqarsimatillugu, taakkua kukkunersiuisut oqaaseqaataanni nalunaarutigineqassapput.

Siunnersuinermik ikiunnermillu suliassani naliliissavarput kukkunersiuisut kinaassusersiortuunnginnissamik inatsisaat naapertorlugu ingerlatsinerput.

Siunnersuinermik ikiunnermillu suliassat akuersissutiginninneranni pissutsini ataasiakkaani tamaginni nalilertarparput suliassatut saqqummiunneqartoq uagut kinaassusersiortuunnginnissatsinnut qulalersitsinnaanersoq.

Om Deloitte

Deloitte leverer ydelser inden for Revision, Skat, Consulting og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 150 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 200.000 medarbejdere arbejder målrettet efter at sætte den højeste standard.

Deloitte Touche Tohmatsu Limited

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til www.deloitte.com/about for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.